



西浙泉厓邵先生詩集卷之八

西蜀門人晉齋曾騰鳳梓

西蜀門人兩都張蜀良校

畫竹爲鶴汀馬子題

直幹操逾勁叢篁節不群春風歌渭曲夜雨泣湘紋未
許凌霄漢偏宜近水雲冰霜轉搖落把酒更思君

江上

江上波濤惡人間風浪深去帆懸自正傍險路難禁
鯨蟾掀天舞蛟龍縮地吟經春看蟄起苦海變甘霖

王齊時擢霍山邑博

宮墻同抱藝簪紱近分行老我花潭月多君芹水香端
居惟矩範小試亦翱翔此日春風轉應憐雲水長

病雀痛梧兒

梁園有雛雀學舞不知勞忽爾摧冰雪猶能刷羽毛還
丹惟玉屑續骨定金膏安得全風翮飛飛出九臯

柳亭亭子賞牡丹席上得陽字

六花分冶色百瑤出酣粧冉冉雲依樹娟娟月近墻錦
心金作埒翠珮玉生香不怙昭陽寵移根醉洛陽

夏寒樓

大火司南服高天日夜流乾坤無着地樓閣轉添秋枕

單風生腋簾櫳月上釣梅花何處落吹笛過江州

玄都秋錢後屏給舍限春宿左省韻

東括題封客凶湖載酒過石壇秋雨過蕉葉晚風多丹
竈閑龍虎清朝且珮珂君當抉日輦我柰白雲何

八月八晚有懷棘院

纖纖秋空月皎皎明華簪攬手不盈匊控弦殊未諳蘭
堂幽意愜桂院香風酣晴雲駛欲流瑞靄光煙嵐

十三夜喜見月華

中秋遲後夜華月故先酣七寶漾金玦干花明玉潭秦
樓初鳳吹蕭史且鸞駝白髮仍孤影當訝可自堪

中秋西齋夜興

片月過東樓西齋花影稠
虬龍蟠石壁烏鵲隱林丘
漢使星槎遠唐宗金鏡留
何當照邊塞萬里迥添愁

十六夜西湖放舟

湖上今宵月盈盈秋水涵
玉容粧不減珠魄淚常酣
袖拂雲和溢杯傳露釀甘
坐來清沁骨欲向可誰談

十八日浙江觀潮三首

觀潮携數子出郭儼諸昆
野服開江閣深杯接海門
百年占氣勢萬里足平吞
何日風雷動相看秋水痕
月滿秋生彩潮橫夜荐雷
九龍掀海立萬馬突雲來
鷗

鳥輕能狎漁舟浪不猜
客心轉傾覆世路更喧豗

潮長喧人語潮迴櫂鼓聲
銀河盤地起珠闕負風行
伍子魂無賴孤忠氣若生
雲中驂鐵騎天外覲神兵

晚過蓉峰對酒

長夏滯繁陰涼颼晚更侵
清尊歡共賞短葛怯難禁
暫拾花邊句還傳天外音
百年叨倚玉何日報南金

七夕

閑情此歡靚芳賞及闌宵
曾得雙星會相看百恨消
蘭飈延皓魄蕙渥滯春嬌
只尺河陰別番憎烏鵲橋
來秋剗半百全夕且開尊
未即頭顱白先辭簿領煩
輝

輝月初彩孃孃雀孤騫忽爾簫聲發倏然動紫垣

七月九日志雨

急雨奔風馬崩雷迸火龍軒除滄海變天際白雲封暑
氣祛三伏豐年卜九農閑庭無吏事沾對且從容

八月十日曉出祀東嶽見霞光刺天千態萬狀少
焉日出散作雲氣祀畢因登北高峰得四首

曉起出西郭霞章煥錦文九天虬虎變萬里鳳鸞分頃
刻生初日回看殫白雲秋來占甲子此日荷氤氳
四山圍福地五嶽駐僊檐香火神如在蠶田歲可占清
曹分法案神木代靈籤我豈叅玄者瞻心爾更嚴

瞻禮趨東嶽登攀上北峰雲平橫萬畝天遠見孤松更
陟險何極還歌咲且從煙霞滿山谷去住任吾蹤
絕頂風霜古凌虛鳥鵲閑山空秋在樹日遠塔開開飽
我青精飯憐渠白玉顏玄臺拾瑤草昏黑未應還
中秋坐月因感湖約之爽

雨過風生袂雲開月在顛何緣秋煥彩有約夜登筵蕭
史駢鴛日張郎犯斗年姮娥千古在今夕可誰憐

題山遊曉騎圖

騰踏過溪橋東風上柳條鳥啼餘翠箔花落盡紅綃飛
閣天難度切堂春可描相期尊酒共日莫卸金鑣

昭慶寺

訪春山富憲副
留宿覺而賦此

秋光明佛閣夕靄布香臺坐見花如霰懸知劫已灰空
門無色相客枕忽春雷只此可棲息何堪霜鴈哀

瑪瑙山居

已下八首俱借貞山
陸給事遊讌之作

雲鎖山居淨風邀野客過晚煙依樹杪秋色滿岩阿佳
節酬黃菊閒情展薜蘿坐來尊酒共林外忽樵歌

初陽臺

荒臺絕頂上卮酒復同君午夜觀初日高天坐夕曛厓
危亭可構竹淺徑初分何處傳笙霍超然出世紛

蘇公堤

秋日蘇堤曲春風話舊遊柳邊煙水濶花外錦雲稠公
子嘶金勒佳人醉玉樓獨憐芳草路不改向來愁

放崔亭

崔駐空亭夢梅招處士魂雲深孤嶼遠日落萬山昏不
仕從吾拙無家尚爾存至今湖上水清徹照乾坤

石屋洞

千盤張石罅萬佛殿山堂雲卧蒼苔冷岩棲白晝長閒
心紛對酒野菊故含香何事棠陵老高坐空短墻

煙霞洞

洞口煙霞滿春來草木深象峰躡可鼻龍谷吼成音坐

石絕塵想移尊歡客心山空遲落日歸去興難禁

龍井

落日下山谿泉聲路不迷一泓秋水淨獨石野藤齊龍
去雲常在春來鳥自啼十年話形勝尊酒為君携

一片雲

一片雲何日孤飛落九天曉風吹不散煙月照還妍
翠晴堪翫芙蓉秋可憐清陰滿芳樹忽墮酒杯前

紫雲洞

黝蚪穿玄竅空濛散紫雲風閒隻雀下雨足九龍分靜
僻便幽托凡喧總不聞春深湖上路花落任紛紛

九日山居

以下四首王霽山秋卿招遊之作

四筵張野寺九日醉荒臺籬菊黃初把山花紫並開
哀猿秋樹杪高鴈晚雲隈極浦寒江色霏霏落酒杯

巾子峰

弦月斜侵竹巾峰嶄入雲亦知風景好還共笑歌醺籍
草移芳酌攀花坐小芬忽隨鴻鴈去天外自為群

寶石山登塔各一首

寶石山頭出丹梯一徑連清秋高鳥語白日老僧眠塔
古蒼龍見湖開玉鏡懸因之發星海同犯斗牛躔

浮圖新法界絕頂此登臨星斗迴元氣江湖落梵音龍

疑春出海雀可夜開林我欲乘風去高天萬里心

冬仲過桐鄉謁孫槐溪貞肅堂對菊二首

客去風塵淨臺空鳥雀喧尋詩閒對酒把菊忽忘言病
葉寒仍綠叢芳晚更繁爲憐搖落後叅對坐晴軒
晴日暄冬候獲看野菊英寒香秋未老高槩客同清的
的風依砌輝輝月在屏東籬有遺興還向醉中生

癯雀篇應兩湖蕭憲使請爲清癯周子賦

有客癯于雀脩然不可群蜚聲動湖海灑翰失風雲露
夜心先警寒江影欲分梁園冰雪後千里忽思君

玉泉寺限韻

已下六首借豐村
金道長山遊之作

紺殿雲常合珠泉晚更清林深初見月春去始聞鶯豆
甲鮮登品尊絲滑可羹詩成一飽後吟向醉先行

下天竺

佛國西來遠蓮臺第一程開山經幾劫坐石話三生梵
塔孤難倚流泉曲可觥僧伽不好客來往但鐘迎

中天竺

涼月上東林中天落梵音清齋僧入供上客夜開襟激
吭風前雀幽棲霜後禽閒雲分半榻淨土結同心

上天竺

上竺轉迢迢諸天伴寂寥五峰迎旭日雙樹接青霄佛

雨花常綴慈雲鉢可招酌來泉下水俗骨此全銷

虎跑泉

一翁虎跑泉重來記昔年緣空千劫後景在萬山前路
轉蒼此出亭虛玉鏡懸坡仙風格異石壁示真傳

真珠泉

野寺石橋東珠泉濺碧空纍纍明佛頂隱隱見花宮龍
戲雲常住魚吹浪不同一斟覺神爽衆妙與心通

題清遠張子蘭竹圖次東滙韻

蒼珮和瓊玖青衫失綺羅湘君此節槩楚客空出品阿鳳
鳥日初下春心香轉多美人如可耶與子共高歌

吳中和昆季移尊泛太湖三首

放歌凌震澤把酒酌陽山風日天常淨煙波晴可攀昔
憐塵海闊今見白雲閑蝦菜堪供給輕舸去復還

落日洞庭水長風生遠波雲霞開寶鏡霄漢接銀河楚
澤名元重吳門勝轉多一尊千頃外相共笑顏酡
主人移野席客子尚餘醺醺陵谷幾時變沙鷗不可群波
涵天萬里雲斂浪平分返檝清溪上菱歌隔浦聞

中秋亭下對酒限韻

筠華搏露砌桂影上風簾坐酒心應爽分題興轉添驚
棲鳥羽短隱見兔毫纖便欲飛仙去雲霞青可檐

題畫

澗壑生新漲叢林展舊柯琴心流水遠階面白雲多偶
坐情偏適同來興若何長風滿修竹留醉聽樵歌
莎短全侵渚楓酣半入雲高江歸晚櫂小艇蕩斜曛野
客夜誰與初秋月未分坐來轉岑寂獨雀杳相聞
入勝果山坐月厓亭移尊御教場和近山韻二首
窈窕經蒼壑平凌上古臺鍾聲花外盡松影日邊來天
地此竒觀江湖一舉杯春風且披拂涼月更低回
月嶠雲常結山亭景自宜萬峰當戶坼一逕隔谿危野
酌臨殘照流鶯正滿枝高懷愜幽賞不問夜何其

新正八日飲王曉山西園月下聽歌用來韻

初春芳讌集斜日小牕明竹葉尊前過梅花笑底迎鶯
簧平度曲鳳吹不聞聲扶醉乘涼月含情隻杵鳴

題海棠碧桃畫

玉容凝露重丹臉襯霞明不道春前發偏憐月下傾霓
裳歌未歇楚瑟怨難平曾似交歡樹生香更有情

題東溪草堂和三石太府韻

曉日輝瑤席春風滿畫堂煙花憐老眼魚鳥樂新塘近
舍情偏適開尊興轉長水雲看不盡流翰欲淋浪

水檻懷人

湖光延短照，樹杪挹高風。有客煙霞癖，懷人笑語叢。亭心扶水萼，波面艷花宮。坐酒忽當夕，長歌渾未終。

湖陂坐月

片月上冰弦，初更度遠天。玉容臨水淺，珠箔傍秋妍。入浦漁燈沒，平湖塔影懸。坐來風露重，清徹見婣娟。

竹深留奕

萬竹結平林，高天暑不侵。一枰思得算，六月坐開襟。打撲從君勝，縱橫漫可尋。祇緣消長日，誰復下機心。

昭慶飯僧

禪壇乞靈雨，盡佛前燈。野客同齋供，多君亦飯僧。露

葵清入饌水，荇脆含冰。何日龍宮發，風雷迅可乘。

雲居待雨

荒臺笙篳下，聖水鉢龍蟠。雲滂千林黑，風屯萬木喧。閒情來劍珮，笑口此琴尊。沾沛且今夕，豐登何處村。

賓山開尊

麗藻識湯休，閑官已白頭。青山春作伴，野雀夜誰儔。好客花前醉，看雲石上留。高天涼意動，把袂不勝秋。

溪堂坐雨

山館近山之館溪堂西溪之堂蓋飲山館而雨過溪堂也

山館雨回湍，溪堂風滿闌。芙蓉臨水媚，鸛雀過雲難。萬畝青成望，三農淚轉彈。入秋秧欲老，曾得便交歡。

身月詩集卷之八
谷口回車

別去忽經旬歸來問水濱
偶逢傳小隊長笑動清塵出
寺意欲往迴輶情且信爲憐
脩竹好坐對淨心神

僧扇和言

山僧說廣濡雲水結行居
未振風前錫先驂長者車
清齋留客話開扇索吾書
番愧塵襟惡閑心爾不如

一菴博對

星郎棲寶刹法駕過雲林
遂弭山陰楫誰爲梁父吟
春風憐舊燕夜雨會初心
閣酒當遲局呼盧索共斟

荻港聽歌

風迅荻蘆洲帆輕自在流
歌聲來別浦月色遍扁舟
曲轉寒機語腔回錦瑟愁
水雲收不盡翻弄一天秋

雙林乞巧

漫游經霄水乞巧傍東林
野核甘誰共村醪薄且斟
星河千古事弧矢百年心
涼月憐秋杵長風開夜琴

龜溪憶友

棹入龜溪路停橈夜未分
風喧驚大海月黑怯愁雲
狎水魚龍滙懸情鷗鳥群
河陽何處是花氣隔溪聞

石屋尋幽

步屨趨朝暎乘軒歷遠村
南屏蒼檜合石屋翠筠屯
玄

竇斜涵日雲厓巧着根青螺盤地底竅入海西門
詩輓孫室倪孺人

堂北商歌動湖西別淚彈上弦悲去雀臨鏡泣離鸞
我恩誰並亡人心已安九原膺大寵十錫望飛翰

除夕即事

歲徂憐盡夜雨浥故增寒臘送屠蘇酒春傳生菜盤
迎年粘彩燕辟惡試神丹何事東風晚梅花雪後看

乙巳元日

是年閏正月故云

龍基綿鳳曆二十四回春端月歸餘閏條風轉大鈞
蛇年亨啓泰雀髮老隨人時序流無盡浮生過眼頻

七日禮法相寺

湖南長耳佛頂現定光珠萬劫身猶在三生髮不誅
瞻心遲遠道步禮競先駟為爾多靈異還予翊鳳雛

春日過明山話舊晚過少嶺山南都卷更酌二首

燕集歡如構尊開興不怪臺高冰雪外春在笑談間
藻思推雙駕金閨宛二班

明山論心十年好長夢到燕山

少嶺遊更酌白石尚傳觴醉裏情逾淡燈前話轉長
牙籤若入座玉俎晚生香冠珮鍾山勝開函意不忘

越一日明山少嶺龍嶠三監司過予對奕

茅堂春意動憲節曉雲聯瑞靄臨端月台辰歷上躔開

襟聊坐酒當局早稱玄愧我無供給何緣取醉眠

亭川板朝溪少媚諸公飲天然圖畫閣限韻二首

賓朋拚共醉風日未應怪人坐白雲外春回疎柳間酒
觴真自別詩髯爲誰斑雨過添蒼翠湖南出遠山

尊酒淹芳駕盤飧屬老慳湖天迷雨外閣道出雲間近
柳條新綠輕鷗點舊斑高懷不終夕燈火下前山

閏正朔日出舍喜晴有感往回得二首

正元劉歷閏初甲喜開晴二麥占先秀三農卜晚成野
蒿回宿土啼鳥換春聲我欲乘中夜高天未啓明

問舍出西郭牽帷迎曉晴田疇傷往昨禾黍半生成室

有蒼黃色村無雞犬聲河梁不可度急檠發平明

八日飲王曉山上舍

昨歲今宵讌春風逸少家歌聲流几席月色上牕紗會
再筵開閨情濃酒汎霞徘徊喧櫂馬羞澁亂林鴉

題梅津卷兼簡豐村和甬江韻

不憐濟渡者番憶味花人涉險戴傾覆舍香全性真延
平春入夢山谷齒生津昨過湖西路東風爲寫神

春暮丁溪舟行乘月看竹二首

丁溪溪上月全照翠簷管夾岍風煙細一尊雲水長閒
心歌楚曲客夢下瀟湘更聽枝頭鳥啞秋怯夜涼

稍雲開徑遠載月抱溪危露重衣沾濕灘高舟上遲爲
憐春欲莫不問夜何其入舍晨光發呼燈泛酒卮

冒雨過長明招提訪金玉泉兼簡小山華津二棋
友二首

入寺玄雲結迴廊白雨過高人此棲息長夏獨行歌習
靜心能覺耽竒景自多瑤篇開藻思惠我慰山阿
急雨鳴僧舍長煙鎖石林碁懸殘局面坐見下機心突
去雲同遠回憐雀可尋百年幾良晤何處說朋簪

梔子花

階前馮薜蘂去後芬菲未吐香千蕊全開玉一圍臨
風還的的帶雨故輝輝爲憶吳姬晚輕及月夜歸

玉泉亭子飲餞退齋參知掌憲入楚簡畲龍嵒憲

僉五首

掄魁推翰史執憲動臺旌雨過湖陂潤秋高湘水平一
尊延去思千里重交情櫪下龍駒發風前寶劍鳴
十年端範地此別益沾巾桃李春成望雲霄化已神飛
騰看不定瞻念可誰倫少室鬼東服搖光切漢津
北闕新恩重西湖舊雨多瞻違勤遠托惜別盡悲歌此
去三山遠須乘九夏過楓亭丹荔熟欲寄謂予何
長日來芳駕清尊向水亭亦知不成飲聊以慰離情把

袂煙霞隔論心風雨驚高天懸日月偏照五侯城
楚水多才子憐才今見君乾坤悲屈賈孤憤失風雲
逝人如昨吹噓日未曛誓予同草莽何復歎離群

豫陽田兄移尊過陳氏園林見訪坐雨

野竹深無暑村醪薄可醒閒情來俎豆高誼動清冥
風葉翻雲亂煙稍刷雨腥論詩或不媿昏黑坐林坰

七夕望雨

七夕苦不雨北風徒自號明河懸碧落纖月掛林皇
烏鵲填斯盡牽牛渡轉勞滂沱應曉發珠滴濺蘭

初冬對菊有懷少媚監司二首

寒花持晚節冬日傍幽扉未必芳香改其如霜露晞
一枝聊自適三徑足忘歸寄語陶彭澤無勞問白衣

黃花甘冷淡偏借艷陽開節去香猶勝春先手自栽
李飛翻着意蜂蝶莫深猜幸不終塵土無端近草萊

對菊茅堂暮懷人玉樹秋影寒依砌短香遠隔林幽
露葉垂新恨風枝展舊愁清尊過知己何日賞心疇

松泉鍾丈拉飲吳山之涵秋閣

初冬風日好高閣正涵秋樹色連蒼嶠煙光明遠丘
湖山全對酒城郭半藏樓安得搏輕翼閒心學野鷗

晴川宋子華招飲花前惜別

舊艷憐遲暮新芳及小春繁華思共賞搖落獨相親烏
帽花千朶清歌酒一巡分枝應旦夕愁絕對風塵

洛原白子開筵北庄簫笛代作侑酒賦二曲以識
別

何處簫聲發林深淨可聽雙鳶來別嶼獨雀下寒汀
駐留丹壑還飛入紫冥松風雜清響曲罷有餘醒
短筵橫高隼淒清急暮雲落梅畚作態折柳不堪聞邊
塞春還雪關河日未曛一聲天萬里况復隔溪分

西湖曲

初夏開芳讌長風掠畫船野桃紛結子堤柳日成眠興
在千山外歌迴尊酒邊湖光不可盡移向菴園傳

飲歸雲菴和箬溪顧中丞韻

嵩廻喧鼓吹徑仄啓柴扉山下雨初過溪頭雲未歸藤
稍迷醉眼石角欵朝衣坐久星河出南宮雀正飛

過松雪讀書閣入清容軒坐雨尋西隱禪房各一
首

軒敞涼飈集簷虛急雨過客來尋舊隱雀去失行窩溪
轉饒鷗雁塘開足芰荷當年書閣在常傍佛維摩
赤日苦何極移舟向小軒清容依淨水西隱出叢樊無
礙心俱寂因詩思轉煩王孫舊棲息藻翰動祗園

題楊竹村太府靜思館四章

退食軒窗淨幽棲石徑斜竹風團翠雨花露裊紅霞客
至情逾洽秋來興轉嘉一尊臨月宇雙駕集星槎
路轉出林塘亭虛隱石梁水風牽荇細山雨拂荷涼俯
檻魚隼躍開簾燕獨忙角巾欹晚席高影入雲長
恠石雲同瘦山亭風漸高龍歸依洞口虎據出林泉雄
視千人雋端居百世豪長松發天籟萬里一呼號
當軒隻石筍文繡倚雲開疑是支機出懸知醒酒來癯
然娛燕寢忽爾動風雷慙媿逢君晚訝終笑舉杯

丁未元夕前飲陳小隱家和近山韻

燈宵明夜是春酒此筵開爲卜花前月先傳天上杯歌
童新作態坐客笑應迴慙愧論詩句云誰倚馬才

次夜飲近山草堂疊韻

珠雨清塵過華燈拂輦開相看今夜月况復故人杯飲
劇歡同賞詩成曲未迴長跨金馬客高騁碧雞才

青芝陳揮衛子子開武魁張筵庄樓即事二首

霏雨出城郭湖頭新水生野柳紆醉臉山鳥弄春聲開
閣人何在登樓賦已成將軍能好客尊酒漫論兵
玉樹陳庭曲青芝漢殿香武塲新擢桂國手舊穿楊高
興乘春發風情傍酒償歸來湖上路燈火亂陂塘

過大佛寺訪豐村金大巡明日湖上吊逋仙各一首

初春來法駕斜日構山堂社稷心猶赤風塵髮欲蒼感
思天外淚笑語佛前香歸路逢僧便裁詩寄上方
弭棹緣山麓移尊坐石臺孤墳憐舊隱千古亦荒苔野
雀避人語寒梅傍酒開啣杯遲落日曲罷有餘哀

棠兒初度示勉二首

吾兒今二十骨髮始生神抱子已稱父娛親良致身款
高看鶚薦天淨見龍鱗書錦堂開日相期萬里津
吾兒今二十笑口對壺觴喜見雲霄志須開錦繡腸

題先認理落筆始成章努力乘時發頽頽亦寵光

代壽王母朱孺人七十

二月北堂上萱花春早開一枝迎壽竿千日醉仙臺王
母天同老西池宴幾回蟠桃今熟否青鳥可飛來

竹墟篇爲屠大叅年兄賦

亭墟見修竹瀟洒人爭憐風度九江雨水深千樹煙涼
陰流几案高槩出雲天我豈肉食相感君無棄捐

水部王弘宇留讌東湖亭時鸞語如簧薔薇散綺

吹簫代鼓移席催花相與爲樂簡謝二首

春莫聞啼鳥閒亭過雨深數聲低度曲百轉巧論心伐

水流風雅遷喬足好音一枝暫棲息千里共追尋
水部園亭好春歸花未稀臨風時冉冉帶雨正輝輝小
折催簫發紅香傍酒飛上林元盛賞此日更芳菲
弘宇以湘湖蓴菜見貽詩以簡畬
吳下推風味江東今更奇常誇士龍羨不負季鷹思水
部清如玉香羹脆若絲吟邊重分惠筋下覓華滋

題木蘭花扇面

華月夜將滿木蘭春早開恍疑蒼玉珮飛步白雲臺風
前香欲語露下泣誰猜此日唐昌觀遊仙夢未回

東滙矢偶走吊因論時事夜分乃別感而賦此三

曉行

煙霞擬結遠公社山水應嗤中散遊露下草根沙磧曉
月明樹杪塞垣秋怯寒不惜征衫薄得句還憑浪眼酬
何日請留雙玉鳥好從青海問丹丘

白石塘候白石不至

白石山人來不來路逢白石山坳開青霄有約鶴欲下
錦樹無風秋自哀花鳥江頭昔汝共松蘿谷口今誰猜
停雲挂節一騁望芝駕遠登何處臺

長溝道中聞白石至志喜

長溝停驂張午炊風塵拂面悲路岐報道故人出谷口

身屋言集卷之
愉然高蓋來天涯張華自信雙龍劍韓愈驚鏡二鳥詩
莫把閒情盡詞賦百年青鬢易成絲

雲卧山房賦古松分韻得雲字

月下登臺夜未分蒼松屹立迥難群秋聲忽捲千山雨
月色遙連萬壑雲喜有高賢叨共賞可無詩句漫相聞
春花搖落知多少羨爾昂藏出世紛

偕白石遊西山和衡山入山韻

寒花小草揔閑情路入西岩眼界明翠壁丹崖千障合
倉曹水部兩難并官閑暫得煙霞味心遠遙聞鐘鼓聲
五日駢駢出城郭攀林踏閣夢中行

別

七元天下士長望水雲間法從風軒出閒心江渚還舟
航遠十里魂夢且三山把袂重君別裁詩一解顏

承恩寺飲百川張叅藩對局時判寧國感賦二首

百丈龍川子十年薇省臣風塵青眼舊江漢白頭新雨
過涼生夜尊開笑近春僧堂足幽賞客邸見天真
百丈龍川子看花今幾春曲江同走馬豐沛隔清塵
慨燈前酌棲遲物外身閒情呼陸博變態巧生神

林雲山地卿聞他泉秋卿李友軒國子邵南溪鄭

澹泉太卿開讌雞鳴山之延虛閣

閣迴風生牖簷虛月到軒清歌翻野唱良晤動星垣五
鳳瞻雲切隻龍捧日尊擎杯話年好芳賞更誰論

東瀾沸泉雲山三兄開燕文場移尊飛虹橋得紅

字

虹橋飛藝院燕集醉花宮道論陋時格交情從古風雨
塘侵草綠夕照引杯紅入夜生新爽清歌興不窮

明日三兄偕百川開尊承恩禪堂留別

佛境懸孤月禪臺集五星新腔還共醉宿酒未全醒遠
吹流清梵長松隱翠屏明朝分袂野雀下雲汀

上興遇雨放舟抵溧陽簡謝隻南蔡尹四首

久客懷歸切孤征怯路賒月明猶度馬風急更浮槎赤

電驅藪薄黃霾掣水花泥塗沾濕盡危坐理南華

溧陽開水部候吏隔溪迎未覓風前句先傳郊外情村

村無夜吠望望足秋成十二橋頭月清光照遠行

隻南
德政

報最三年近河陽花已深金門春似海青瑣晝常陰袞

職誰能補隻南不媿心垣俾清漏淨梧竹自成吟

傾蓋歡如舊開筵樂更多清尊遲劍珮赤日下關河鄉

夢憑誰發歸心謂我何感君惠舟楫千里一經過

沈南泉過草堂夜叙一首

高懷良未已步月過隣家醪酒醉還燕青梅啖可誇酸

幸知世味放浪足生涯
珪劍當歌發丰神
凌紫霞

挽友

八十年來夢經營
道里長烏紗
延壽愷白髮有輝光
恣爾辭塵世
蕭然悲夜堂
風前歌殫露
猿窟倍淒涼

詣南泉歸至硤石晚泊紫薇山夜發感賦二首

雪後開新霽
茶湖一棹還
月明醒醉眼
風淨破愁顏
交誼形骸外
歡情詩酒間
停橈雙棲息
魂夢繞西山
舟行寒及夕
別去話猶繁
野泊無歸束
郵沽且笑言
鄰雞先曉唱
山犬隔林喧
不寐催星發
風掀急槳翻

鉛山遭回堂濮水部話舊惜別

離違三十稷
晤語此朝昏
桐汭花經眼
鷺湖雀在軒
溪橋看短劔
水部羨長轅
爲憶含香署
分携且笑言

嘉禾飲少泉給事次即席口占韻

劫來甘吏隱
老去學逃名
短葛含風出
輕舸坐月明
裁詩知已淚
把袂故人情
醉語不能別
感君還復迎

賀陳南棠晉貳金華守次少泉沈給舍韻

報政嘉禾郡
移官寶婺州
薰風拂西水
華月度南樓
尸祝千年在
民有位祀南棠者
琴尊兩浙留
知君清廟器
早晚控天球

姑蘇簡竹坪何地卿一舉權許墅關

吳門朝雨歇舟楫晚生涼矯首故人遠瞻言新水長兼
葭秋入望越柳夜分行何處關津在相將話夕陽

入廣陵風景清逸絕勝江南對酒懷石橋方太府

岑

維揚佳麗地一水湛秋冥高柳含風碧長蘆夾岸青懷
人先怯別坐酒漫愁醒入暮遲舟楫瓊花香滿汀

中秋前夕乘月過水竹田子歸舟漫興戲簡水竹
路出小東門秋蟾淨水痕桂華香入夢免甯缺誰論未
赴嫦娥約懸知素女嵬來宵應美滿悵望此朝昏

題水竹

水竹舊吾居君才水竹如清流還自健瘦影未全踈峽
口噴珠玉風前鳴珮琚淇園三五畝楚興足蘧蘧

高郵遇查守九一話鄉曲夜發奉簡

孟城涵淨水鎖牖殿長堤官柳鬱堪折水蟾高可携江
鄉勤問訊燈火散輪蹄更得檣風便夜深仍鼓鼙

晚宜堂坐晚與蓮湖地卿入寄亭觀蓮因簡蓮湖
北路淨湖陂清江晚更宜亭心開水萼波面漾風枝高
蓋臨書幌紅香入酒卮濂溪有遺思千古共襟期

泊徐暉山方地卿過我招飲

秋日媚彭城黃河隔嶼清倉曹勤駕從水部魏才名傾

東原詩集卷之八
蓋心應醉分杯思轉繁長風千里便野雀入雲輕

借趙侯齋大叅飲彭仙洲水部新亭簡謝二首

晴日麗秋原仙曹集使軒論詩風格異當局露華繁夜
雀不知警宵禽自喧新交深舊雅執手已忘言

永部十洲仙仙洲更灑然寵光千樹草容與半池蓮入
院香風細留尊華月妍夜闌仍轉燭笙雀下瑤天

沽頭牖綠槐堂覽都水題名簡吳竺原曹長

秋水喜平隄関河路不迷維舟來笑語傾蓋何招携半
榻高槐蔭一聯豐石題清曹慙棣萼名與大賢齊

暉山開燕戲馬臺陀山寺和仙洲韻二首

園皆汴
水故云

山嚙秋日薄雨過晚煙開斷碣全紆草虛堂半蝕苔卧
牛談古郡戲馬上高臺燈火喧歸路城頭鼓角哀
殊方金酒共勝地綺筵開古佛多黃土新亭亦紫苔寒
流偏抱郭斜日更登臺靈業今何在秋風生暮哀

濟上宿天井過柳州王兩溪夜話愴懷

纜舸任城夜移舟濟水隈檣燈張列宿牌溜響奔雷忽
過緱山駕應憐笙雀哀深更話長抱燭盡可能灰

夜發香城堡詣廣平欲乞明山連兄志室人墓

涼月媚香城輕颺掠髮生駝驢馳夜轍鞞鼓發秋聲為

嶠青鸞別番憐黃鳥情明山山只尺躑躅度深更

石山風雨

風雨怯修程山行愁轉繁征途沾濕重驛騎刷雲輕白
草泥車轍黃塵捲旆旌因思邊塞上漂泊更含情

贈宿遷徐敬軒

一首

清才典劇邑節槩見燈前撫字心應切風流政可傳長
河秋入漢列宿夜開躔邂逅瞻遠裁詩寄勉旃

辛亥初春叙別南泉刑部登五雲山飲六和塔

春郊延上客長望五雲隈雨閣海天暝沙平江岫開行
歌窺淺柳覓句探寒梅執手情逾洽登車首重回

飛蓋出林薄征輶歷遠邨山迴千障合日轉五雲屯瞻
禮心香共登臨法界尊凌虛動遐想江海欲平吞
浮圖千劫後識界六根清野鳥去還語江雲愁轉生分
杯延別緒把劍動交情君赴雙龍關行看萬里程

題赤壁圖

惟石峰頭落長松礪底迴清尊高客共明月片帆開詞
賦雄千古游歌定幾回孤飛玄雀下遙指白雲隈

枉歎程原習悅齋過西湖話舊

長夏涼飆發移舟湖水隈百年渾道義此日荷追陪短
笛吹花落清尊拂柳開山亭尋舊隱放雀未應回

端陽再枉草堂燕叙

午日泛蒲觴葵榴花正芳一尊過舊故千里慰門墻念
往意何限感今情轉長因之歌伐木好鳥信風翔

程子告別有期贈言以堅嚮往之志

之子去何日灘高江水深長風逝歸棹涼月惜分襟未
遂題橋志其如報主心相知不相負珍重白頭吟

登城赴一菴唐兄飲聞有起用消息志喜

城陴延夕景湖淑湛秋雲老雀仍高翥殘蟬不可聞一
尊那遠別萬里仗奇勛此去君堪重蒼生望已勤

十月四日夢先室官人枕上口占是日宜人忌辰

高眠新菊枕灑泣淚應斑謾說生前夢偏憐死後顏驚

心鷄唱早懊恨蝶飛還轉轅香魂在招搖不可攀

小設速東滙入暮始赴數巡乃別益復悵然各一

首

采采純陽子飄飄跨雀來童顏丹可駐客枕夢初迴寄

傲隨緣結澹留何處杯一聲雙鐵笛吹落髮前梅

憶別忽千日相過喜一經謂予頭漸白之子眼還青坐

酒不終夕牽裾時轉醒南樓高雁度愁絕向雲汀

壬子春莫之晦飲於泉宅與盧連城奕避暑

初暑陟酷薄名園春未歸當杯心轉熾對局汗俱揮露

初開紈扇風軒展葛衣情深不能去燈火爛餘輝

江平石索題西井

有美城西井泉分自鄴侯一泓迸寒玉九仞及玄流短
綆將安汲長縲任所求渴人須爾濟辨義足身謀

周星橋索題明博前川趙子璠蓋楚籍而川人也
楚客三湘望川源萬里長乾坤捨逆旅魂夢自江鄉
鳥刊風落芹宮過雨香王孫芳草意幾度醉斜陽

湖山良晤詩別吉齋莊子一敬董浙試事

故人來浙水吾道重文衡桃李春常注湖山秋轉清
六橋頻倚棹三竺幾懸旌底事高齋夢連宵風雨聲

湖上看雪

歲朝冰雪集十日未全消玉樹萬山合瓊臺一徑遙
梅菟香共冷宦夢怨誰招獨立南湖曲尋詩出畫橋

郭外探春

燈夕始除臘湖天今見春林鶯初解語隄柳半含顰
律轉陽開泰人生月在寅老懷驚物候一歲一番新

南屏燕集

北道煩臺省南屏列几筵清歌憐雪后高飲仗春先
江海論心遠湖山入畫妍頻年藉芳讌長笑佛燈前

雪後觀梅

春雪積沒脛野梅橫見腮一枝珠蓓蕾萬里玉樓臺
思衝寒發瑤華傍酒裁東風且披拂相對重徘徊

入淮過春山李大叅竹亭對葵并題座上小山三

首

客裡傷春莫春山酒更香開尊傍棋局燒竹檢詩囊
老雀翔風健神魚勅水強百年劉幾會拚醉下江鄉
亭篠元多興益山也自竒峰巒當戶牖谿徑隔天涯挂
笏朝來便看雲晚更宜淮南招隱地應與子爲期

次溧陽小憇戴埠妙如寺即事

山寺妙如如山僧啓候予林稀灰竹筍畦老蠶花蔬筍色

墨味鮮蚕初入饌香風細開尊毒靄祛當軒据樹下清

纒作菜蔭滿階除

何水亭開燕東園即戲有感石亭都諫

雨過風塵淨園開花木深葵榴先午節禽鳥尚春音對
酒傷朋舊懷忠自古今百年渾是戲曲罷淚沾襟

六月念四諸昆山行飲王泉晚登智果山居簡峰

上人因憶昔游參寥泉時荷面雨聲之景追賦

三首

赤日延殘暑玄蟬咽早秋肩輿湖上路尊酒寺邊樓取
醉耽魚躍行歌任鳥求勸酬兄共弟此樂真天游

斜日度山谿山居雲水西泉甘新甃石湖淨舊分隄
柅子崑樓便游人野望迷巾峰自孤寂爲爾一留題
壯翅昔垂谿相過湖水西平臺依古梵飛閣瞰長隄
雨急聲中斷荷香花外迷參寥何處景追復舊分題

浮峰張方伯入廣席上和既白王孫韻

霜降氣應肅天高日轉舒杯稍同榜淚扇草異人書塵
海苦無際星礎安所如夜分且更燭涼露下階除

甲寅初春東湖亭和六亭水部賞梅韻

鐵幹回丹頰槎牙湖水東夫然標格在底似不教工春
色何緣別孤山有路通香魂轉漂泊桃杏若爲同

病中有懷徐定菴故人陳六亭水部各一首

濶叙湖亭上春初歷夏殘逃違恒悵惘良晤更艱難病
霍雲千里閒階月一闌坐來心轉劇飛夢到江干
南屏芳讌后長日卧林丘避客不逾月思君渾幾秋敢
論川蜀舊還抱部曹羞涼月懸高漢空明江水流

七夕感懷二首

七夕望甘雨焦勞忘我眠炎空張火蓋涼月上冰弦世
態渾朝暮佳期托歲年天孫不根事誰爲洗凡緣
是夕雙星合云何獸客眠離鸞羞舞鏡別雀怨鳴弦老
我生今夜思親計往年幽懷繫長抱那復問塵緣

題折枝蘭杏扇面和潁湖高光州韻二首

文杏紛多艷，散蘭俏有花。
閒梅偏隔水，傍竹若爲家。
不語紉蒼珮，含香疊絳紗。
布帘村外市，谷口寄生涯。
杏萼倚蘭芳，華月滿臺幸。
因歸把玩端，不近蒿萊蝶。
翅巡香遠，蜂鬚掠粉來。
光風和湛露，沾被出塵埃。

贈甬江奏凱和近山太史韻四首

昭代恢荒服，涵濡仰太空。
如何克國老，亦自遠臨戎。
瀚海勲難策，忠誠感必通。
薦賢摠聖悃，上相攬元功。
推轂元臣重，紆籌軍務勞。
一麾澄海嶽，萬里殿風濤。
毒虜終成縛，封狐謾自豪。
羽書雙闕下，駿烈五雲高。

殺氣橫秋出，軍聲動地來。
虎符分外闕，玉節奠中台。
好仗平倭策，懸知命世才。
凱歌俘獻日，封拜九天開。
血戰論功日，瓊筵飲至時。
尊前仍受簡，花外尚褰旗。
得美知全勝，君安計不危。
三宣馳上寵，萬國仰重熙。

題畫二首和韻

野泛聯雙釣，輕舸歷九灘。
風波天外遠，煙水靜中看。
急漿話歸路，長歌迴險竿。
前村沽酒共相對，坐盤桓。
木老風前幹，楓繁霜後花。
釣菴應自許，歌鳳亦堪嗟。
身世塵無夢，乾坤髮有華。
滄浪元不滓，濯足信浮槎。

題心遠堂和劉菊庄韻

恒河逆浪摧覺岍根塵隔會須見心性那復辨空色一
息天宇開萬里靈光白所以高上人掃軌謝逋客

題靜菴画如來冥趺像和月桂上人韻

妙墨發精思如來不世緣皈依瞻法相自在得心傳蓮
葉坐方穩天花落更偏波神呈寶氣白日射青煙

華藏招提用前韻

閒步城東寺幽尋塵外緣三花明法界隻樹覓真傳日
落雲光薄風迴竹影偏長廊吼鯨響古殿篆龍煙

飲東湖亭和宜山何秋卿迎養赴留都韻兼簡箕

泉王廷評二首

湖亭芳讌集春老煖煙浮一水碧于画萬花紅欲流鄉
心渾自醉年誼可誰酬高蓋欣聯席玄談識遠猷
春日板輿情秣陵江水平九天恩正渥六合氣還清遠
覽壺觴便高懷星斗橫爲言王子晉笙簧寄心盟

題画簡東溪

翠竹雨瀟瀟歸人途路遙得魚來野浦沽酒向溪橋天
遠雲長白風閑興轉饒開尊過知已相對話終宵

十日陪沁泉陳水部飲龍川孫道長宅和華峰秦

殿撰韻二首

昨耽重九句今夕賞心同粉署來仙珮銀鞍御玉駘筵

開千日酒錦簇萬花叢良會憐長夜高懷興不窮
慙予淹水部十載夢魂懸此日聯元采清尊淡晚煙歌
頌楊柳月人醉菊花天促席酬知己捩髯笑可仙
冷泉亭流觴
甃石細泉香泉分出水觴遊魚紛作陣啼鳥巧生篔對
此情俱適因之興轉長蘭亭金谷後取醉更何妨

卷終

西浙泉厓邵先生詩集卷之九

西蜀門人鑑塘周俶梓

西蜀門人蘭谷郭禧校

一泉兄携遊雁山發江舟適南州寄到圖志有作
秋風吹動雁山思江山圖開晚更宜舟楫雲平華頂月
乾坤景盡石梁詩青楓白菊迎仙旆玉斗瑤河漾酒卮
何謂南州應太史烟霞筆札遠相期

次會江驛用孫南江監司韻

富春斜日淨雙軒高節幽懷弔此村秋入平沙開赤嶼
山迴故驛見青門客來不盡嵐前景鶴去空招石上魂

身居言集卷之九
忽聽玉簫吹鳳曲好將詩句報黃昏

會江江濶浪花重開讌中流自在供短髮寒雲秋作主
越琴羌笛晚相從得時鷹隼方高超隔水芙蓉亦冶容
風景滿前渾不寐月明灘下寄詩踪

北風旅鴈度河梁影入平沙夜有光此日一尊吹短髮
三江萬里下清霜郢中詩句誰能答海上仙山意不忘
愁絕感深生遠興高天落木倍淒涼

江上見雲影依山如飛如綴感而賦此

游雲颺曳傍山隈客子中流首重回生慙忽驚開日月
浮陰迅速走風雷千巖萬壑明難定倚石迷花斷欲迴

幸不長遮雙鳳闕高江何地覓三台

桐君臺

深秋木落響桐臺雙鶴寒雲特地來滾滾風波愁日暮
娟娟江月爲君開青山不分遊麋鹿芳杜空憐蔓草萊
我欲行吟向煙壑網常千古此中裁

馮公嶺

懸厓飛瀑漾晴嵐百折千盤路未諳長劔倚風吟自得
明珠入掌咲誰探寨門不管樵花老山館空憐木葉酣
不是胸中有谿徑行人到此幾停驂

山田千疊形如懸磬勢如綠梯不啻萬頃而耒聲

四起余感而賦此

萬山堆裏開阡陌澗道斜飛下石潭
遶樹入雲懸不斷
全歌半折巧相參
劫連天外村村急
鳥足霜前粒粒甘
此日勝遊還徙倚
當歌休唱望江南

飲南明山題名千里亭簡謝堯穎東兵憲

絕頂南明見小亭
客來登眺必須經
九秋楓樹千山赤
百代人龍雙眼青
酒過葉心風味好
苔侵石面墨花腥
槎迴倒迨長河水
只尺光搖漢使星

江心寺二首

晚潮橫浦正愁予
曉日開山興不孤
小棹平飛雙白鳥

寺工倒入兩浮圖
花宮隱隱聞仙梵
水殿溶溶見蕊珠

叩飯依先眺
望風塵那得到蓬壺

西江入夜抱潮還
絕壑開林特地偏
珠樹月明棲野雀

白鳥秋冷發青蓮
謝公詞賦空文藻
文相孤忠在簡編
千古同聲各祠像
可能叅對說生前

遊東西天目山二首

康樂舊風流
春草池塘野興幽
盡日東山經鳥道
冷然高駕探龍湫
霞光反照千峰夕
詩思平分萬頃秋
西天更形勝
匣琴囊劍共追遊

天竺雀下來
晚迢迢西山復
此行耽句豈緣愁
杜甫

北遊應不媿長卿雲坳酒日岩花落風磴凌空石筍生
爾瞿曇說幽寂鳥啼猿嘯不勝情

餞蔣南冷守南寧

溪今夕繫樓船京國鳴珂憶往年極浦銀蟾離瀚海
一簾清影照華顛蒼梧草木懸新雨丹陛雲霄隔遠
六前席定知明主意漢廷共說賈生賢

沈介軒夜飲所憇亭有懷五川楊子

尊明月高人共今古乾坤幾咲歌簾外芳香花雨亂
前短吹笛聲過孤飛夜鵲來高樹長駕春星度遠河
對有懷渾不寐露華搖落曙光多

侍大峰翁野寺觀潮和一泉兄韻

八月秋高風露寒藤枝竹篠蔓闌干潮頭白馬來何晚
江上紅旗浪自歡杖屨百年詩力健填麈一曲酒杯寬
臨流莫訝渙舸穩萬里波濤底樣看

江洲雪行

水激風號江不流凝雲妬雪天悠悠九霄色動清虛府
萬里春成白玉樓小苑闌干飛不定窮簷車馬凍難收
河橋柳眼應回綠只尺新波下御溝

艾峰姜山陽北上留別

六月江臯風力微翛然小閣動清暉使君報政經過遠

齊漢承恩去住稀
兩地鍾聲天外迴
隔簾草色雨中肥
他青瑣應相憶
淮海春深花自飛

北江聞人寶應行取秋夜話別

三三去躍日開烏
府九鷓翔風上玉京
自信夔龍鳴聖
翻憐淮海失陽城
烟花逆棹秋千里
松月撩人月一
枰此別不須多
悵望長安春早杜蘅生

送總戎楊容堂致政南還二首

咸陽門外不聞笳
細柳營中早建牙
萬里風塵悲去馬
百年身世信歸鴉
金陵城郭雲初合
采石江臯月正華
自是君恩酬未得
肯教方叔老天涯

少壯頻番肘虎符
白頭還喜掛金魚
春風荏苒再迴宮
草夜鶴棲遲伴使車
漕政十年心未老
閒身此日意何如
龍江牛首堪乘興
瀟洒無妨問索居

元日壽楊堯湖通政

朝來萬國朝元日
筦子湖頭得氣先
北斗九天開壽筭
南山一曲獻華筵
瑤琰碧草春常注
柏葉椒花暖更便
千古予宣維嶽降
長生何必羨堯年

寄亭留別毅齋劉獻卿獨山邵大叅各來韻二首

江閣浮槎舊此遊
劫來花鳥倍清幽
雨沾石骨苔痕淺
風淨亭心暑氣收
國北壯懷經歲月
淮南詩句尚淹留

隔林新月偏來照一曲歌終興未休

十載低垂揖孟郊三江津樹過星軺新篇筆落繁雲葉

長夏情牽多柳條封石孤亭悲往事分枝南國認先朝

相逢莫惜花前醉明日帆聲急夜潮

送芝峰劉世光迎養汝南

草閣春深花滿川故人風致尚依然一番桃李經新雨

十載松杉隔舊烟夢入北堂心獨往笑回南浦月同圓

汝陽秋早多鴻鴈嘹唳聲高急暮田

午日送許竹居令崇用韻

竹居繹閩人也尊君宦遊生竹居干寄亭故云

煙花萬里下舟航野籟村沽咲舉觴黃鵠雲霄堪共翫

綬麟亭館未全忘榴英節破紅綃障楊葉情牽金縷裳

明日郊居春水足湖波只尺接天長

壽熙臺潘中丞一首

十年北闕看紅藥此日西莊飯紫芝自信淵明渾漫興

須知安石繫長思瑤柅漲暖春心老華月天高雀影遲

為報靈椿無限祝綵衣那得酒同卮

乞言熙臺為老父壽適值壽期故云

泮泉海石二錢子赴春試和韻

曲江三月花正開神魚拔浪搏風來此時遙瞻白玉陛

翛然同上黃金臺文章為說小坡好忠義還竒大宋才

聖代百年惟養士甘泉獻賦不須猜

壬辰江浦朝元

三年臘送淮河水萬里陽回北地春
闔闔霏微瞻鳳輦雲霄彷彿覲楓宸
鍾依曙影聲初落袖裊霞光色未勻
拜罷更深天保頌宮鴉飛拍柳條新

寄亭和約齋周上丞韻

二月望日風色好花飛葉密春陰深
扶棗初日上朱箔江館流嚶開素琴
坐見韶華且對酒忽聞時事空沾襟
高齋筆札有餘興天際煙雲成古今

李中溪寄酒不至畚簡

折簡當風取次開江亭長憶謫仙才
白衣不負黃花約清支何孤綠酒杯
明月此時看共滿故人千里笑應迴
西湖荏苒多春草何日重登湖上臺

劉毅菴惠鯨因憶陳茶丘戶部

去年魚美情不釋今歲烹魚魚更鮮
宦滋鄉味子流轉海水天風吾獨憐
舊好每尋涼月下新篇還到大江邊
只看孤鶴留玄影常伴山人笠興便

尋春

曉起尋春春可憐煖煙疎雨下江干
隔林好鳥語初歇傍水埜花開未闌
北國香塵堪試馬西湖高柳漫棲鸞
東風荏苒還流轉明日明年依舊看

叙別劉毅菴倉部

寄寄亭前月到時好風吹動綠楊枝三年草閣感新別
此日雲山塵遠思竹密不妨啼鳥恨水深難上釣魚絲
多君愛我同官好短酌長歌有所期

別韋性甫清秦伯優仕學二子于秦郵舟中

寶應湖邊茭草長晚風吹綠過江鄉輕帆欲下南州鶴
野水平分北路航應物風神多噐重少游逸思足才良
雲霄指日堪乘興萬里雙飛慰所望

南歸過崇許竹居留飲索和卷中韻

清淮十日到山家山月初輝山更花月色更憐遊子鬢
花枝偏笑使人車新秋千里雲同遠好雨三江夢不賒
勾漏主人有仙骨相逢即爾問丹砂

省墓

三年不拜玉泉山千里關心夢未安淮北月明憐去鳥
湖西雲遶泣回鸞即看巢閣乘春住喜見松濤入夜寒
慈氏仙踪何處在靈源空咽下平湍

九日登高

西子湖頭秋日薄南高峰下晚雲從黃花綠酒笑誰共
絕巘危椒青復重已訝匡廬笙鶴駕忽思陶令煙霞蹤
美人谷口失去路草色長陂憐短筇

飲峽石北山小閣兼簡聞聖謨陳橫洲諸兄

天外紅雲傍日流
尊前綠酒向人醅
十年未負看花約
此日同深爲國謀
北海祥光春不斷
西山佳氣夜應浮
楊雄自有凌雲志
何待河東屬薦籌

飲破樵樓橫洲辭去因簡澹泉年兄

朝暎樓閣對蒼山
夜雨登臨啓笑顏
遠客不辭千日醉
故人偏向隔溪還
寒雲斷鴈聲先度
野嶼孤梅花自班
聞說澹泉肯終老
紫芝紅藥未開關

過澹浦訪杞山給舍澹泉駕部阻雪陳氏宅二首

茶湖遙夜敢湖西
風雪離披失路蹊
杞老舊山雲未沒
泉卽高閣樹應迷
孤舟短酌雞聲早
澹月殘蘆鴈影低
曉起尋蹤問行色
不妨拂石漫留題

路入青通生暮煙
孤帆旅客寄行羶
不緣風雪來天末
曾得雲霞落座前
酒醉漫乘王子興
月明還上剡溪船
盈盈一水遙相望
千里懷人更惘然

大風墮浪君莫行
大雪迷人山更明
隔岸漁舟不得渡
半江詩夢應難成
已訝洞門啼鳥盡
轉愁林麓寒雲平
高齋灑落卧知己
何日相看終此情

北村張曹長偕予謁鳳山翁因以惜別

當國元臣歸鳳老
生平知己見張郎
聯舟問訊春風動

別渚分携江路長
尊酒且憐遲日暮
燭花還伴過林塘
明良百代占殊遇
更許同心署有光

龍駒篇吊小山秦子

秋風此日嘆龍駒
汗血當年驥不如
百寶粧成燕市重
千金價就冀群虛
翛然鶴馭辭仙仗
爲解塵纓謁帝居
神物未應歸化盡
還看蹀躞下階除

風雪渡江簡謝宋仰山侍御

長風吹雪過江臯
江上寒聲急暮潮
咲指金山迴玉樹
即看瓜埠度丹霄
帆檣搖落鄰心遠
牙角光芒氛氣消
喜有故人持繡斧
不煩戒備坐相邀

明海吟爲定齋王中丞賦

昨遊明海望靈山
山外浮雲盡日閒
千歲桃花春不老
孤飛黃鶴夜常還
何人坐見安期子
此日相邀天路間
更歷丹丘與玄石
好尋仙藥鑄童顏

春日呂梁蔣子東瀾過舟招飲

長風初日石梁斜
草色新年上軟沙
仙珮光隨滄水使
酒帘青見野人家
登臨不厭招提遠
悵望應憐驛路賒
猶說當年同躡馬
曲江楊柳暗成衙

元夕西林劉部長張讌沙河驛

銀缸小揭玉繩低
客底良宵望不迷
水部風檣花競發

集賢詩集卷之九
驛亭煙樹鳥驚樓歌深芋曲淹尊酒報急更籌亂鼓聲
回首湖山天外市萬家燈火爛雲齊

過濟上飲君子軒

君子軒前春光竹枝蓮葉相芬芳紅香露立楚雲濕
翠珮風稍湘水長蹊路初逢足笑語美人此別遙相望
何時得共天涯遠夜雨琴尊開草堂

鄒九峰遠棹詩舫夜過用韻

滄浪一曲杳難忘北路三江去轉長短髮蕭疎憐月白
孤帆颺曳信風翔沙鷗出水衣裳濕野鳥經春花蕊香
客裏逢君重相賞詩篇應識舊山堂

瑞巖張邑博晉登州夜過疊前韻

何處鄉山意未忘月明千里夢魂長西湖好雨花爭發
北路寒雲鶴共翔海上樓臺看不盡春來芹藻自生香
九峯相見亦相惜筆落風煙空草堂

三月念二日對酒感懷

雨過沙頽春草生春風日日換春情桃花落去渾流水
布谷年來勸早畊物態韶光愁易擲青尊華髮恨難平
好尋舊約開新社莫向波濤侈姓名

送平埜張戶部權吳門關

秋風淮海漫論情春草漳江復送行和靜祠高雲欲澍

姑蘇臺古月無聲黃金不改千年色白壁還看此日盟
把酒問花君記取更於何地說平生

送台峰李倉部還京三首

漳河之滸雙蘭橈赤日黃塵悲市朝緩頰三更月黯黯
分杯四月風蕭蕭江頭碧草望不極谷口流嚶空見招
回首故人肯憶我晚來詩夢坐相邀

風淨泉亭暑氣清雨餘芳草怯愁生楸枰一局尊前別
羌遂數聲江上橫楚客日憐千里月燕山遙傍五雲城
青葱楊柳垂垂見何得長條繫短情

白水蒼煙浮野洲草堂嘉樹獨淹留天涯坐見長庚窟
濟上遙看太白樓感慨風花星鬢曉瞻依宮禁王京秋
長安底似閑情極乘興何年問遠遊

閩泉川張南溟張夏山三憲副賀萬壽用韻

十年藻思窺青瑣一道風聲樹柏臺棹發錢唐花外雨
咲回漳滸月中杯天開玉宇長庚見露浥銀鬕上寵來
知子有懷金鏡語好看宣召出蓬萊

聖皇迪壽同堪輿臺臣嚴晨朝太虛十日驅車此京國
千秋獻頌今唐書紅雲冉冉望不極涼月蒼蒼憐索居
玄鶴長風更憶我頻年出署云何如

武夷山遠雲常白閩闔天高日正中香霧氤氳瞻紫極

長庚隱約動青宮中朝不惜殊恩寵方國從看此會同
之子金華有仙學鳳池留取訊玄風

二峯周節推泉館話舊兼簡洛原白祠部

十年同棹曲江舟泉館逢君說舊遊孟瀆雪深疲馬恨
潞河風折斷帆愁推評喜見南州蹟獻納應紆北國憂
爲憶洛原勞問訊天涯何日共登樓

立齋錢刑部署留都

越上故人移白下泉亭隱約見神京平刑終古推張釋
作賦當年說禰衡露浥長河仙舸動風閒短笛客心驚
相逢莫惜深杯酌明日江頭春草生

壽栞泉沈翁因簡少泉大行歸省

清秋月色淨簾櫳玉節金函出禁中馬首太行雲不沒
花枝韋曲酒常紅烏紗入感瞻宸極白髮當歌識社翁
我亦思親寄瑤草憑君千里賞心同

壽阜川尊翁劉封丈和蓉川齊憲伯韻二首

聖德通玄開少海前星啓彩結佳闈九天露浥河山潤
萬國風酣草木肥大老喜從新命服長庚偏照此恩輝
黃花綠酒人常共烏帽鬢髮意不違

清泉今見老萊衣歌舞筵開啓壽闈節後尚花黃菊瘦
山中無藥紫芝肥北溟水擊秋先漲南極天高夜有輝

身居言身卷之九
十三
我獨瞻親千里外六橋煙樹漫相違

癸巳重陽登大寧閣用壬辰登高韻

九日登樓望遠峰遠峰迢迤白雲從空江木落黃花瘦
絕塞天高雁影重對酒百年渾浪迹放歌何處亦仙蹤
湖南杖履人常健千里秋風憶短筇

送羅溪王大夫還朝

春風吹暖喜從兄秋月生華兄復行衛水無愁流不斷
燕臺長望夢還驚明霞翠柏有真味白壁黃金深此盟
更荷九天新雨露一官同拜大夫榮

丹鳳樓頭曉日升宕渠郭外晚雲平一封初下青宮詔

萬里應酬烏鳥情寶婺光芒齊北斗彩衣朝夕想南征
春風楊柳年年綠他日相看花轉明

衛水灘頭放客船初冬風日倍凄然庭前芳樹更新綠
堦下黃花散小圓千里分枝同悵望明朝別酒重留連
相期立馬天王地回首清塵覲紫煙

虛窓陳中丞自雁門歸爲賦高雁篇惠雙鶴再賦

玄鶴篇俱來韻

清秋高雁下平田塞北關西憶舊年千里雲霞看健翮
一番冰雪度遙天黃龍城下圍先破玄武坡中機可憐
月白沙明還自舉汀花江草倍生妍

玄鶴冲霄意未休，偶來泉館一淹留。
風塵瘦影聲同遠，湖海閑心病已瘳。
媿我敢從緜氏約，思君獨上漢陽樓。
三山回首多仙侶，萬里須乘汗漫遊。

元日葦齋觀梅

羅浮山下貯冰魂，姑射仙人別有村。
萬里東風臨畫戟，一天香霧伴黃昏。
紅粧點綴闌干曲，素影低回醪酒尊。
切莫樓頭弄羌笛，好看春色滿乾坤。

遊春書院讌集

風雷堂上沸笙簧，童冠遙聯劍珮行。
座狎魚龍堪共戲，春催桃李倍生香。
青陽喜結千門綵，玄雪還占萬國祥。

物阜才賢獻明主，不妨暫醉翠圍場。

十五夜石汀王侍御張讌演武臺觀火戲

清泉官渡逢元夕，鼓吹平臺坐月華。
頃刻仙葩零碧落，三千火騎掣金蛇。
天開霹靂聲初下，煙鎖浮圖勢轉賒。
塵世百年俱幻忽，玄機此夜漫誇遮。

十六夜讌東庄金憲使宅觀燈過大寧寺

思家散步通宵月，卜歲常占此夜燈。
萬里清輝同讌賞，六街香霧半膏騰。
訝驚初罷鈞天曲，法鼓還參最上乘。
風爭更闌高閣望，寶花搖落露光凝。

夜讌賞瑞香和劉雙泉地卿韻

百指花開千日香東風兩樹月明堂
臘脂淡抹春深面
蘭麝旋添夜半粧錦瑟聲希迷楚望
霓裳曲盡怨瀟湘
美人音別江南遠尊酒今宵北路長

別劉阜川倉部因以感懷

余歲前轉易嚴正即奉命查理縣務不得行故云

臘日梅梢傳信息春深猶自抱寒香
即看燕子來新社
又見東風別草堂客裡送行饒涕淚
天涯懷舊轉淒涼
漳江衛水雲難住回首昭陽依日光

君恩寧養爲石汀王侍御題

三年勅史吳山遠千里思親衛水長
短疏幾陳紅日下
高樓頻望白雲旁歸來烏鳥情方浹
老去萱花開更香

風靜簾閒春正好不煩宣召出明光

試易水諸生平清心堂雨後見志

清心堂上洗心時洗去新埃見故知
檻外紅酣香入座
雨餘陰老綠臨墀五經日月天常淨
萬里風雲會未遲
珍重諸賢各努力荃蹄何足繫長思

三試思及清泉諸友

我來易水不一月三試諸律皆彀中
翻思東郡有奇氣
忽訝燕山多古風珠璣腹內夜發彩
造化筆底天無功
即看挾策獻天子誰復金臺馬首同

錢繫舟王曹長于易城之惠泉樓

交承喜接王文度長夏分携短劔催把袂且聽松子雨
投壺拚醉藕花杯不彈千古荆卿淚須惜當年郭隗才
同上西樓望東渡黃塵白草蔓荒臺

夢拜母氏墓覺而賦此中有夢中語

山館良宵遊子淚夢魂千里洒松楸飛飛野鶴尋常度
咽咽明泉不斷流月色可憐依枕畔雞聲偏恨到床頭
覺來極目天南路北國風寒易水秋

山齋記夢有作

昨夜夢占男子祥纍纍膝下漫分行秋來月滿珠生彩
谷口春深蘭發香積德百年知有地思親千里報難忘

斯干兆此卿須記他日相看金鳳皇

飲五華臺問訊黃潭駕部時事有感

落日輝輝煙靄光秋風倏忽吹羅裳臺高隱見黃龍窟
酒盡驚談石虎岡伏闕先朝誰涕淚投荒何地更禁
當相期好共南山下雨過春深芝草香

七夕坐雨有懷二首

風雨山亭乞巧時天孫舊恨繫新思金閨未稅河陰駕
玉筯先垂漢曲厄瓜果何緣深繯綵妻孥聊復拜庭墀
收回鍼線從吾拙明日明年會有期

四十二年當此夕桑弧蓬矢記吾生而今華髮星霜改

何處慈烏感慨并許國一身輕若寄思家千里夢還驚
巡簷索共兒曹語不問山城風雨聲

荆軻山

曉日登臨思往昔秋風鼓角動悲傷秦讐未報荆卿死
燕恨空隨易水長天際黃雲迷遠塞尊前寶釵下長廊
故山草木猶生色擊劔當年意不忘

錢獻齋紀倉部還京

野寺秋風尊酒過晚雲飛處醉顏酡燕關萬里軍儲重
易水當年感慨多送子河梁瞻去馬還朝恩寵度鳴
珂驚寒鴈陣來山谷不惜音書慰薜蘿

四柳臺中秋翫月用馮西屏司空韻

待月河陰星女寒香分半臂未銷殘秋心渡莫牽仙袂
夜色翻宜照法冠忽有銀蟾隨地起喜同玄鶴傍雲看
燕臺剩有瑤華什絕勝秦樓雜珮珊

見月倒上韻

雲裾霞珮聲珊珊入河搗藥時相看嫦娥不寐向丹闕
白髮無愁空皂冠故園叢桂秋且老客路酒杯宵未殘
小壇勝事爲誰紀他日重來黃菊寒

十六夜開尊更酌奉答西屏用前韻

瓊樓何處倍高寒萬丈靈光曉未殘移席亭陰勿對酒

放歌天外尚彈冠
昨宵勝賞中秋月
一夕難同別樣看
四柳主人能愛客
七松野客任闌珊

西山舊有約
各以公務弗可偕
抵祈溝道中遇沙洲爰止公所以俟曰石二首

一鞭官騎颺晴沙
路出燕臺無狹斜
天上爾書曠日
月風前旗幟颺龍蛇
不緣採訪供
王國會得尋遊翫

物華忽報西來徐
給事秋鴻何處曳明霞

青山有約晴多興
瑤草無愁秋更繁
隔水芙蓉渾自醉
趁人鷗鳥漫相喧
驚傳冠蓋呵前隊
不負登臨駐小軒
明日白雲深處路
三星光近紫微垣

曉行

煙霞擬結遠公社
山水應嗤中散遊
露下草根沙磧曉
月明樹杪塞垣秋
怯寒不惜征衫薄
得句還憑浪眼酬
何日請留雙玉鳥
好從青海問丹丘

白石塘候白石不至

白石山人來不來
路逢白石山均開
青霄有約鶴欲下
錦樹無風秋自哀
花鳥江頭昔汝共
松蘿谷口今誰猜
停雲挂節一騁望
芝駕遠登何處臺

長溝道中聞白石至志喜

長溝停驂張午炊
風塵拂面悲路岐
報道故人出谷口

放歌天外尚彈冠，昨宵勝賞中秋月。一夕難同別樣看，
四柳主人能愛客。七松野客任闌珊。

西山舊有約，各以公務弗可偕。抵祈溝道中遇沙
洲爰止公，所以俟曰石二首。

一鞭官騎颺晴沙，路出燕臺無狹斜。天上爾書瞻日
月，風前旗幟颺龍蛇。不緣採訪供王國，曾得尋遊翫
物華。忽報西來徐給事，秋鴻何處曳明霞。

青山有約晴多興，瑤草無愁秋更繁。隔水芙蓉渾自醉，
趁人鷗鳥漫相喧。驚傳冠蓋呵前隊，不負登臨駐小軒。
明日白雲深處路，三星光近紫微垣。

曉行

煙霞擬結遠公社，山水應嗤中散遊。露下草根沙磧曉，
月明樹杪塞垣秋。怯寒不惜征衫薄，得句還憑浪眼酬。
何日請留雙玉鳥，好從青海問丹丘。

白石塘候白石不至

白石山人來不來，路逢白石山均開。青霄有約鶴欲下，
錦樹無風秋自哀。花鳥江頭昔汝共，松蘿谷口今誰猜。
停雲挂節一騁望，芝駕遠登何處臺。

長溝道中聞白石至志喜

長溝停驂張午炊，風塵拂面悲路岐。報道故人出谷口，

脩然高蓋來天涯張華自信雙龍劍韓愈驚鏡二鳥詩
莫把閒情盡詞賦百年青鬢易成絲

雲卧山房賦古松分韻得雲字

月下登臺夜未分蒼松屹立迥難群秋聲忽捲千山雨
月色遙連萬壑雲喜有高賢叨共賞可無詩句漫相聞
春花搖落知多少羨爾昂藏出世紛

偕白石遊西山和衡山入山韻

寒花小草揔閑情路入西岩眼界明翠壁丹厓千障合
倉曹水部兩難并官閑暫得煙霞味心遠遙聞鐘鼓聲
五日駢駢出城郭攀林踏閣夢中行

出弘光寺

寶峰睡起暝欲曙下榻束帶天暉暉青牛白馬去復返
盡省仙郎遊未歸落盡曇花天路濕劫來芝草秋風肥
出寺拂袖覺酒脫簪笏淹我山中薇

功德寺

望入西崑紫氣生宣王曾駐六龍旌松搏高蓋和煙
濕澗曳長虹入漢明錦簇莊嚴遺寢在天開宮殿御
階平可憐輦路繁秋草愁絕維摩鍾磬聲

冲陵謁感

彤埤雲鎖石龍床綺襲琅函紺殿香聖主有恩生海

宇小臣無計啓泉堂可憐靈寵歸天上謾說春秋入夜
長一日風光百年事此身猶幸托 君王

香山寺再和衡山韻因簡宗林僧二首

翠微欲上晚煙迷委珮長裾手自提鳥去隔林驚塔梵
龍歸別壑怯山梯雲牙故向中天出石罅旋窺下界低
老衲無緣詩句在臨風相對為留題

香爐峰尖嶺夜啼客子秋風思故衣薜蘿倒掛鶴一下
洞石低垂雲未歸最愛湯休多麗藻翻憐惠遠得皈依
袈裟錫杖隨緣結越嶠吳山空蕨薇

下山

踏遍蒼苔下翠微星槎雲帔款朝衣千盤壑控金銀氣
十日心忘魚鳥機清禁袞龍天闕迥高秋車馬塞垣肥
歸途指點煙霞跡落日晴窓興不違

歸途謝別白石因簡沙洲

與君忽作西山遊西山十日遊未休長雲不斷紅塵夢
暖日遙憐碧樹秋谷口泉聲撩去珮山陰月色下扁舟
徘徊歸路翻多興謾說當年王子猷

九日偕北盤登黃金臺賞菊限韻二首

昨夜秋風生怒濤今朝曙色上征袍燕臺喜共黃花老
杜曲誰憐詩思豪破暝平林雙鳥度驚寒高鴈亂雲搔

東唐詩集卷之九
五
茱萸早解昇仙術那復千金幸所遭

燕城吊古

召公辟國四十里易水長城舊有名繁華過眼總塵土
今古傷心誰世情漠漠平沙天際闊依依衰草隴頭橫
當年風氣可蹤跡黃霧紫煙朝暮生

菊

我愛黃金臺上菊高枝密葉涼雲翻風來隱約環珮軟
露下點綴珠璣繁恠底春花苦爛熳好從老圃祛塵煩
閒心若箇陶靖節把翫年年秋日暄

臺上沈村張水部偶至共候徐沙洲憲副有懷

黃金臺上晚煙斜坐起還看黃菊花蝶翅蜂香撩客思
溪雲山月自年華高人欲下南州榻仙使剛旋漢水槎
此日風前頻悵望閒情何處泛流霞

白石晚過論文約候鴻山館長和來韻二首

趙客軒車來遠道燕山杯酒向中宵十年彩筆俱文藻
萬斛明珠未寂寥館閣音書鴻鴈近天涯風露夢魂遙
翻憐立馬看涼月錯認啼雞報早朝

暖風妬雪涵晴渚蒼佩和煙度野宵西瀼即今陪笑語
南華何處覓叅寥山中習靜機心息谷口回春雲路遙
矯首玉龍翔紫極羨君金馬駐清朝

次南河徐侍御西巡韻

九關梯棧相勾連繡衣驄馬行三邊戍鼓秋防塞塵遠
胡笳夜急河水堅即看漠北死白草回首燕南生紫煙
露冕經過尊酒共星華搖落高雲天

次白石西巡韻至前二日也

君回關塞衝寒雪我拾瑤華散曉煙萬里江山開朔漠
百年夷夏共雲天葭灰得氣迎先至官線含情結後緣
何日相期同躍馬春來啼鳥落花前

至日東譙燕集白石北盤沙洲二子

山城至日共登樓指點蒼晶晚更幽地底龍蛇欣欲蟄

天涯鳥雀喜相求梅魂入夢偷春信雁字驚寒寄遠愁
遶莫尊前紀雲物年來萬寶賀全收

至後燕興國寺再侍三君子即事

山中靜僻偏多興至後從容數舉杯絳節喜傳先臘信
緋袍故向曙光開龍搏高蓋空禪影虎視中原惜漢才
千古英雄遺像在月明常照雨花臺

上列閑雲長諸像故云

孫氏園題竹

秋來看竹開三逕冬至分杯還一釐月影當筵金瓊碎
露華布葉玉玲瓏寒心苦節冰霜慣清吹閒雲笑語同
回首春風思鄭谷鷓鴣聲裏萬花紅

泉屋詩集卷之九
至後燕集王北盤乘龍軒

九天月射城南雪萬里陽回逸少家
晉代風流淹散帙
燕山簫鼓急催花
飲連河朔春心淺
笑淡冠裳夜影斜
不去林陰飛鳥雀
即看谷口迸龍蛇

梅崑郊曹長索題先子憶蘭卷

何處秋風蘭發香
姑蘇千里接瀟湘
江頭翠佩真堪紉
谷口朱絃祗自傷
水殿夢回人滄淚
青衫愁絕月蒼涼
叢芳地下無消息
蕙葉階前多寵光

送潘溪范叅藩之北盤山庄分韻得臯字

遠客驅車朝帝闕
寒汀汲水試仙毫
簷虛初日穿蒼

竇野曠涼颶掠絳袍驛路琴尊歌吹發
春城環珮夢雲搔
燕山野鶴遙相憶
何日蜚聲出九臯

潘春谷奉命歸娶王恭襄孫兼省太夫人用韻

早辭丹鳳承明旨
夕駕蒼虬出帝居
上谷洞簫聊
去住汾陽錦瑟重
躊躇王孫坐月憐
司馬潘岳乘春奉
板輿宇宙百年占比翼
雲霄萬里盼雙魚

爲肖山崔給事先君雙挽

榆次縣前花滿林
蠡吾門外柳成陰
百年遺愛羊侯碣
兩地聲華宓子琴
鶴馭夢馳青瑣近
龍章心慰夜臺深
蕭蕭慈竹憐寒雪
宰樹風號恨不禁

除日日下見雪

春到山城歲未除
曉風吹雪漫蕭疎
晶晶佇日花難款
脉脉沾衣絮不如
萬國朝元饒劍珮
九農卜穀自犁鋤
徘徊立馬臨丹壑
頃刻高天平翠渠

乙未山城朝元

六年使節迎新歲
兩地朝元作上賓
惟底東風淹水部
儵然玉珮動香塵
紅雲隱見官前柳
白雪平裁臘底春
獸舞即看占嶽牧
蒿呼何以覲楓宸

和白石元日雪霽試筆

臘去春從雪後歸
崖煙村溜帶晴輝
霞當樹苑千花發
風墮簾疑雙燕飛
占入新年聊畫省
夢回南國尚柴扉
同遊且拾瑤華句
載酒還歌金縷衣

二月二日尋源侯白石不至

煙花催旆度平林
爲問真源特地尋
石罅初分蒼玉竅
溪頭漸合白雲陰
香芹拂淑衝寒發
野蕪乘春出水深
遲客不來尊酒共
浴鳧飛鷺倍關心

荆軻山吹簫

晚吹空山羌笛清
一腔一拍總含情
愁中楊柳驚初發
落去梅花怨更生
易水歌終元有淚
秦庭圖畫浪無成
當杯莫爲荆卿惜
贏得千年壯士名

興國寺看花得成都報

堊寺山花春後繁一叢蜂蝶過相喧紅遲眼底愁風雨
綠亞枝頭空酒尊剩有高賢歡入夜驚傳別語漫銷魂
何當爲卜林塘遠萬里還看江草痕

問花

雨過園林花未落枝枝葉葉故鮮新江頭此去春心老
上谷年來笑口頻芳草西湖驚別夢綠窓啼鳥怨歸人
合歡可柰雙蝴蝶幾處尋香遠更親

白石館中賞碧桃

官閣春深花事稀碧桃兩樹更輝輝誰誇露種來天上
自信風神干化機紅藥隔階留爛熳朱欄對雨鬪芳菲
錦江太守情偏劇畫省仙郎意不違

孫園流觴

春日春臺花發紅枝枝媚媚倦東風摘來水曲香翻細
流過清渠色不同笑逐羽觴飛自穩歌迴金縷調誰工
蘭亭魚鳥依然舊晉代風流今轉蓬

春暮見白牡丹有感

魏紫姚黃俱寂寞一枝傾國雪同看玉顏不識東風晚
香骨翻追白帝歡冉冉流雲迷谷口垂垂帶雨泣闌干
昭陽莫訝遲恩寵猶勝芙蓉霜後寒

紫荆關和桐溪司馬韻

立馬高看紫塞奇，河山東下斷西陲。漠南遠去三千里，關外還屯百萬師。風掣斗門閑鼓角，天開石棧閃旌旗。地形國勢真全勝，須仗忠良計不危。

登城

塞外城臯朝日陰，荒煙殘靄此登臨。山依漢壘翻高下，水抱燕關自古今。萬里黃沙迷白草，中原紫氣滿平林。將軍坐鎮無他事，牙纛銅鞮勸酒深。

真武廟登眺過太寧寺

天畔玄宮扃石林，宮前綠樹曉陰陰。旗懸斗極寒西北，劍截妖魔殿古今。沙白草青春望迥，落花啼鳥塞垣深。尋遊暫此煙霞會，拄杖扶吾仍遠岑。

入寺

東風吹老木蘭堂，野外尋真歷上方。翠壁丹厓春入畫，山椒欄藥晚生香。禪心早向空門得，愁緒那從詩思長。便欲分杯話終夕，不妨下榻卧斜陽。

乘雨登太行絕頂

珠宮寶塔入雲平，客子耽幽特地行。白幘西來沾法雨，青牛東去撇愁城。繩橋駕海危能度，鐵鎖牽風幻未成。步屨與君傳勝跡，投簪何地說長生。

立夏下山

南客北遊春興遠，忽驚春去獨茫然。不因花落愁蜂蝶，
番訝尊開咽管絃。天際白雲仍莽莽，雨餘翠竹自娟娟。
衝泥踏過山頭路，何日重來信有緣。

謝別白石

山深慣見楚棠花，細柳牽風客路斜。雨急前溪聲不斷，
月明千里夢還賒。松堂舊草開新壘，江閣春雲滯晚霞。
極目傷神渾自醉，酒杯羞澁共天涯。

謝別北盤

人生聚散良不偶，百歲光陰幾度歡。醉憶湖心孤嶼遠，
笑回谷口萬峰寒。多君夜月耽詩句，媿我春風倦羽翰。
錦水何緣歌出牧，燕臺那復共彈冠。

王華高倉部招飲雲龍山和鵲湖陳水部韻

雲龍山傍石瀾開，客裏登攀正舉杯。萬里塵霾橫日下，
滿江風浪拍天來。鴉喧短羽投淮浦，鶴引長吭過楚臺。
搖落亭陰不成賞，黃沙白草自徘徊。

飲吳門道山亭題春波沈子卷

水漲溪橋迎短檝，草平江渚訝先秋。蛟龍隱約驚常翥，
風雨頻仍咽不流。隔浦簫聲還斷續，當軒月影自沉浮。
山亭坐酒渾多興，何日相看瀛海頭。

身居詩集卷之九
常山白龍洞和王筆峰韻因簡守嘿秦少尹
懶性常便麋鹿群長途萬里困塵氛夜行漁浦日出海
曉發蘭陰江吐雲入蜀未緣窺漢相出關早已愧終軍
白龍洞口分杯酌隱隱風煙含夕暉

九日龍津道中遇少泉李參藩分韻得陽字
客底逢君發興長短籬修竹坐重陽尊前喜會雙龍劍
江上愁看萬里航風淨淮濱思舊雨月明巫峽試新粧
徘徊岐路翻多恨何日重開黃菊觴

飲滕王閣和少泉分韻簡謝張南溟憲長
客路喜看江上峰江頭遠喜覩人龍三湘鴈字霜前落

九日黃花節後逢高閣可憐明月共鄉山其柰白雲重
曹郎爲郡投西蜀南浦先尋秋水蹤

飲龍江徐臨江一鏡堂話舊

堂涵粧鏡淨秋陂檻拂芙蓉花更奇萬里雲霄酬壯志
他鄉尊酒話深知清江夜發迴旌仗蜀道天連失路岐
爲說當年尋舊約湖山何日是襟期

龍江過淮時有歸隱之約故云

宣風館次陽明公韻有感

雨過溪添秋水痕溪頭水足未全渾一尊旅館新生慨
百折寒流曲抱村指點賢豪回白首漫留筆札伴黃昏
浮雲孤月成真幻碧海丹丘乞壯魂

昌山道中即事

分宜灘險亂石出昌山道遠行人愁奔流日夕泣虎豹
弱舸往來輕鷗鷗攢轡渡頭急不發振衣谷口仍淹留
浮名後後苦孟浪高鳥飛飛安所求

宜春臺簡李守嘿

短劍長風迷楚望煖雲晴日媚高原春宜臺榭燕雙語
路轉松蘿花更繁遠道羈人紆赤芾間情太守賁朱幡
登臨莫訝傷多酒折簡何當禮數煩

時雨堂海樓李長沙話舊

天未喜逢吾海樓湘南潭北正清秋雲山迢迢生新感
淮海追陪思舊遊已訝格天三日雨還籌弭盜百年謀
君應早晚歸臺省媿我非才萬里投

曉出龍陽志感

龍陽郭外千頃平昔年苦澇今苦晴竭來白草蔓不死
恠底黃蘆春自生日高其奈鳥語亂風淨况復煙波驚
臨流長望一灑涕不緣萬里愁人行

夜發

嚴程端發武陵源風旆星幢迤小軒曙色乍開煙火亂
蹄痕襍露華繁九溪穩下衡陽鴈五夜愁聽峽口猿
路入山坳轉迢迢大龍亭子憇朝暄

身居言集卷之九
三
澧陽道上見菊因簡竹厓金伯齡

的的黃花開路岐沙頽草白謾相欺香風不斷憐應汝
露眼如啼訴欲誰此日折來人共遠隔離看去蝶先知
高天秋色還多興烏帽豔豔有所思

姜女貞烈祠和存菴李中丞韻

貞魂烈石心全赤血淚成泉眼不枯羞見奸雄臣異主
好同厲鬼殺強胡亡秦自短長城在正氣翻憐此輩扶
誰說孤忠同朽腐千年尸祝是亨衢

獨醒堂吊三閭大夫和王陽明公韻

風雨三江煙霧昏偶來堂下奠清尊獨醒不解疇人醉
孤憤難忘報主恩一自紫蘭紉楚佩若爲錦瑟吊湘魂
于今祠廟遺形在灑向緋袍空淚痕

荆南簡謝王繫舟虞部

十年夢繞楚江濤此日荆南萬里心數問成都勞駕從
高從水部得追尋仲宣詞賦樓何在子美羈棲愁轉深
我欲持杯酌明月清歌盡省一沾襟

楊后江峽州飲別忠孝祠馳宿桃花塢簡謝

把酒江臯朝日瞰驅車山館已黃昏一行旌旆千峰月
五夜星霜萬里魂蟋蟀向人悲自語桃花隔水笑誰論
多君愛客煩供給躑躅行厨經遠村

桃花館夜度望州山有感東涯選部

夜發狼崑霜露清千盤萬折困榛荆平雲笑拾星河影
極浦愁聞灘瀨聲疲馬那堪經遠道故人何以示平衡
望州亭上看黃菊綠酒青山不世情

鑽天嶺下山書白沙亭子

凌絕千崑生紫氣雄飛八翼上青霄夢魂不道中天迥
身世分明下界遙滿地白蘋渾自老隔林紅葉向人撩
亭陰坐憶登山興隱隱時聞鸞鳳簫

巫山

巫峽天高雲霧屯陽臺路杳雨傾盆山川靈氣自棲托
詞客風流多夢魂石認支機傳七夕花迎流水說桃源
何當反却高唐賦爲洗千年神女冤

登瞿門關和張兵憲原明韻

岷峨山遠接天來巫峽江深灑瀨哀萬里舟航愁日下
重閣樓閣倚雲開青楓白菊心方遠蜀道吳門首重回
欲寄平安雙鴈足詩篇不惜向風裁

雨夕下蟠龍山寫懷

昏黑蟠龍山下路懸崖仄磴眇愁予已驚山鬼向人泣
更怯寒雲牽雨居蜀道三更魂夢斷秋風萬里鬢毛疎
宦滋世味多無賴何日南屏小結廬

元日謁四公廟用儼山翁登樓韻

祥煙瑞靄漾春晴萬壽天高矚大明柏葉杯深驚過眼
梅花香煖自含情冰霜不負同心約巴蜀新開泰宇清
立馬亭陰遺事在當年風動錦官城

元夕後德陽殿下來崔樓張燈開燕和函山憲長

韻

昨報銅龍入夜催今看寶樹尚雲開王孫第宅春常主
元夕風光花滿臺杜曲遠乘工部興梁園真羨賈生才
鳳簫一奏心同醉鶴馭三更駕未回

時南厓信菴二國史同燕後聯及之

別駝山張別駕北上改官

錦水春風花滿鞦一鞭行色溯秦川皇都此去林鶯老
少府新銓官草鮮萬里音書應悵望何時尊酒更留連
追思燕寢論心日不負冰霜覓句年

謁漢相祠修復昭烈陵寢志感

翠華雲鎖錦城隄此日瞻心感舊時王業正傳炎漢統
中原誰復杜陵悲龍歸埜水猶風雨鶴去空山失羽儀
八陣圖開見籌策忠誠千古帝王師

別西崑見貽山茶谷蘭復有草堂之約寄謝

雪風吹老茶花盡春日烘開蘭葉香嘉樹遠依南國夢
鼓芳新試楚沅粧同心翠帶愁難縮對酒青衫濕不妨

身居詩集卷之九
珍重故人勤問遺交歡何日醉林塘

東軒餞白厓周司農過白下因簡冲谷陳封部韻
春兩海棠花滿枝紅酣坐對夜深時東皇着意憐桃葉
南客多愁牽柳絲棹發三巴瞻日遠鴈回七澤亭雲遲
金臺明月應如舊送子平臨有所思

餞鄭友崑西寧趙龍節儀制限韻

東風吹煥度晴幢天上金函下錦江萬里龍蛟新閃閃
五雲鸞鳳故雙雙草堂花雨尋常過藝苑才名未易降
極浦分杯愁玉遂落梅折柳不同腔

過迪菴楊子再訂昭覺之約

十年驚見子雲才花老長安兩度開難字早從中秘識
玄經真傍後天裁墨池雨過多新草樗杜春來足舊醅
與子有懷登覺岸相期不惜醉深杯

浣溪尋花以下四首李溪村道長對酒之作

溪頭幾樹刺薜花小白輕紅罨淺沙老去春心渾爛慢
笑回露眼半誇遮一尊坐對憐蜂蝶上客尋遊亂鼓笳
路入林塘轉相匝枝枝葉葉倍堪嗟

金臺醉竹

萬竹陰森一逕深紫金臺迥費幽尋不參黃白飛仙術
曾得空虛太古心月下離披玄雀舞風來隱約高龍吟

泉石詩集卷之六
百花潭上溪村客坐石拂雲開素琴

移尊草堂

春歸屯崦山花落雨過林塘江燕來杜老征魂憑句得
草堂高韻向風裁孤忠萬里瞻宸幄獨樹中宵嘆草
萊日夕放船猶自好移尊不惜傍莓苔

尋春錦水

蒼杉翠篠曳晴川川上飛花落酒前恠底浮名拚共醉
年來春興故依然瑤林遮莫啼黃鶻錦瑟云何怨杜鵑
欲托雲箋寄幽抱不堪彩筆附高賢

問訊白石連侍御按秦

紫雲不斷輝春駕丹鳳新啣報曉鐘國是早持周柱史
君才元重漢司農即看鴻鶴駕高翅爲問豺狼失遠蹤
蜀道秦川俱萬里相將何日語相從

錢大學士託齋翁祗命北上三章

椿庭曉徹問安回帝闕天高望眼開白髮已償遊子
恨清朝應重相臣才乾坤日月秋忠在閣道風煙萬里
催昨夜臺官占斗分微垣紫氣騰三台

西郭紅蕖雨後香南園修竹翠生涼十年坐晚耽鷓鴣
萬里乘春翼鳳皇華蓋近承天露重雲和元藉玉音長
歸依此日尋玄度丹石亭陰一舉觴

燕臺北去 神京遠蜀道西馳天路賒 闕下麻宣新
制草 陛前袍簇舊宮花 冕旒色動山河影海宇春
回百萬家媿我非才守西土不妨留滯見勳華

移尊青羊速五石李侍御北上用韻

簪筆明光天露香養丹玄圃竹風涼
搗來錦水傳綸綍 夢入朝陽思鳳皇
徙翮秋雲看共遠閑情夏日祇須長
閔頭谷口時相問坐對青牛笑舉觴

青羊坐雨偕王南岡僚長晚過草堂放舟簡五石

侍御

郊垆昨夜報新秋一雨朝來暑氣收
蒼谷搏雲雙鶴下

玄臺貯日九龍孚林塘指點花潭上杜老分明江水明
只尺相看不不得渡清尊華月爲遲留

崔池叅戎鎮永寧和來韻

刁斗秋風鳴鐵衣將軍何必嘆離違
龍高萬里銷金甲 赤水三關高石扉
諸葛已傳清廟畧嫖姚誰數漢兵機
帝王道在今全勝文武才看世所稀

花潭相地築草堂得句

草堂東除池水深莓垣蘚徑繁秋陰
即看卜築廨塵想 更許才賢盟素心
寶刹三花迴日薄蒼杉半畝高雲侵
主人得地喜頗僻何日堂成愁費吟

八月十三日興梁

梅虹斗躋高天出華月秋分後夜交木落池塘憐舊草
風翻燕雀賀新巢林開地迥繁雲葉竹到春深長露稍
安得少陵詩嘉醒一尊相對賦青郊

草堂分竹

杜曲花深潭水香也應修竹蔭新堂殷勤羨爾分秋雨
只尺移根傍女墻何日煙迷蒼鳳翼隔林風合翠雲瑤
少陵老去江南遠葉葉離披意更長

草堂存梅

紅梅昔共推川蜀綠萼今還見草堂鐵幹卧雲渾偃蹇
虬枝醉月半昏黃冰霜那更孤根得笑語偏憐兩樹香
留却少陵風格在好移新竹過林塘

草堂觀梅

春滿江頭臘未殘草堂詩夢倍高寒梅花好趁東風軟
白雪應知和者難皎皎一簾深杜曲輝輝兩樹倚闌干
折來欲寄天南路萬里孤雲祇自嘆

中秋雨借五石李道長集信菴國史宅

雲霄萬里盼婵娟風雨三更醉不眠玄圃香分金粟重
龍宮光貯寶珠圓人來海上传星石酒到江頭問謫仙
忽聽南枝飛夜鵲不妨延賞故年年

維三谷擢叅河洛因念三泉兄

昔三谷言時政得旨云即邵某之說故云

十年青瑣才名重此日丹崖法駕高
草奏應憐臣節苦題封真訝
聖心勞江鄉斷梗悲鴻鴈
野水平蕪刷羽毛喜見君侯雄
萬里我兄那惜老林臯

簡屋山高副憲結窩綿江和來韻

翠雲江上結行窩瓦屋山頭長薜蘿
涼月好風隨去住筆床茶竈任經過
上林花柳春前度白髮年光鏡裡摩
千古巢由能避世塵心寂歷道心多

九日飲右史信菴看菊

杜陵風高玉山遠梁園秋老黃花繁
冰霜抱節苦不改詞賦落英香可殮
何當作客動詩興率爾登堂開酒尊
欲便思歸歸未得故鄉籬落祛愁煩

登中和門感懷

病起晚登城上樓煙光和日氣金罇一聲羗
遂翻秋引萬里邊心入夜愁漢業何煩荆楚地
蜀江亦自帝王州嶠函百二雄圖盡指點中原空白頭

冬仲十四日夜子初刻月食壇上有作

寒宵露立將星臺萬里陰雲慘未開
玄度秒分當子夜金精盪刮向中台
明廷順治妖魔淨薄海諸番納款
來底事驪珠藏具闕不妨蚌蛤漫生胎

霧雨登塞雲臺

朔風霏雨颺平臺煙鎖雲林濕不開太古有天還混沌
西川無地不蓬萊碑傳玉局文難解雀貯金丹夢未回
獨有梅花遞消息一枝香過短牆來

簡畲在池叅戎來韻弁謝牙笏之貽

兵叅赤水新開府草沒黃塵久息戈傳檄不煩春試馬
防胡猶自夜吹螺裁詩西下予心遠柱笏朝看君夢多
恠底梅花寒未發江頭欲寄柰渠何

登樓

西城樓閣度晴暄鼓吹屯聲散女垣高柳翠迷花欲亂
小桃紅褪葉初繁風香入酒迴林薄暝色侵衣襍旆軒
良會百年春幾許明朝還約醉南軒

南園試馬

馬足風生春草香一鞭南苑試新韁畦田半拾金銀氣
桃李全鋪錦綉場望去湖西天共遠得來江上興難忘
春心喜赴尋春約躍過前谿開酒腸

清明日愴懷

介子空傳寒食節晴江愁見禁煙天桃花亂點啼春淚
榆莢旋招沽酒錢巴蜀獨憐投萬里湖山翻恨入重泉
何如烏鳥傷心切常抱枝頭泣未眠

來崔樓觀蕙留別楊肅菴給舍

秋憐楚客三江雨春老梁園幾樹花翠帶可能牽別緒
青衫一自重王家風來臭味心同遠節去芳香怨未涯
好向臺端看特地枝枝葉葉上雲沙

武靖總戎肅菴給舍封慶符王代西野公作

聖皇初下 青宮詔蜀道旋瞻絳節旄萬里銀潢分漢
水九天金冊照星鑣麒麟影動江光曉花柳春明杜曲
豪蕙府杯深拚共醉不妨新月上林臯

飲別蕪山王敘州于紙坊水亭再訂翠屏山約

千古才名推逸少兼山此別更含情酒從巴峽分陂闢
詩向岷峨逼漢清勝入蘭亭春藉草花飛曲水笑傳觥
昔游寥落今乘興何日相將看翠屏

九岡樊漢陽終養歸蜀燕太慈閣

峽江秋老憐芳草漢水春回長綠波邂逅天涯心獨許
夢魂鄉國意如何百年千里關情切一日三公笑口多
我亦思親歸未得樓頭拚醉爲君歌

東臺余道長牧吾錢唐別踰十年茲以嘉州刺越

過予飲于浣溪臨風索句停橈小簡用寄遐思

長風斜日泛清江急雨西來點客艘醉泊楹林閑自穩
詩催杜曲細難降故人喜報新朱紱萬里那堪濁酒缸

此去蘇公堤上路駭壇應識舊麾幢

壽楊瑞虹兵侍七十詩

海上新添壽幾籌河東舊識子雲流誰論白谷蒼江變
笑縮長松野雀儔何日金丹還鼎竈一聲清吹度簫樓
不煩燈火三更路好伴煙霞萬里秋

賀信菴右史膺四品服飲馭柏亭兼簡鉉鑑諸郎

古柏搏風夏日涼亭亭兩樹見冰霜高雲蔽護千年蓋
積雨濃滋滿院蒼根幹喜看春結子階庭從長玉生香
主人笑縮黃金帶接膝重開赤鳳祥

溯曲

雨過花潭水檻深溪頭一曲杜陵陰蘿牽絕壑雲依石
竹覆荒塘風滿林百丈影疑雙鷓下轆轤聲宛九龍吟
閒情佇立無歸着只尺岷峨萬里心

山斗篇思陸儼山司成和浣溪憲副韻二首

三峽新波下劔門五經舊轄動星樞公從發解名元重
帝出經筵道始尊上相龍光還鼎鉉清朝雀馭豈塵煩
瞻心太室搖光切萬里常隨朝日暄

十年北館老司成天上聲華屬大名桃李經春登聖
治草茅何地托吾生湖頭醉月心同遠峽口占風波始
平正好開琴調野雀還絃一曲度台衡

大益書院試士十歲馬逢伯與焉未故及之
百年道氣重三川此日篇章動四筵脫穎好看推國手
橫經誰試得心傳高天華蓋星初轉瀚海鯢鯨浪自便
更羨客卿風骨異濡毫落紙出雲煙

浣溪草堂對酒和儼山韻

小鳥春聲百不迷曲闌干盡見平谿堂開錦里延風日
地接花潭多品題慈竹影寒冰雪外散蘭香沁草塘西
主人習靜已成僻坐酒看雲憐故棲

八月七日風雨中入試院馬上作神魚篇

峽底神魚欲化難掀天風雨動江干掣開大塊蟠泥出
洗淨浮埃帶角翰他日蒼生疇入望百年灑氣此中看
漁師海若勤推挽伐鼓舉旗意未安

丁酉鹿鳴宴上即事

西蜀筵開選士場秋風羅綺倍生香憐渠桃李爭先發
老我門墻煞有光鼓瑟于今崇大雅嘉賓何以示周行
百年禮樂關心共萬里功名去路長

入覲留別江月亭

城頭鼓角動旌幢秋水西陂下客艘京國春明瞻 聖
主江亭曉吹換新腔交游剩喜高賢並畫一真慙國士
雙月色和煙俱萬里清芬滿地憶三江

蘇祠展拜有感

望入峨眉開畫圖秋風池館見三蘇紅蓮一水香猶賸
古木千年節不枯忠義文章窺鳳虎門庭師友重魚鳧
雲山此日瞻心切萬里高堂真故吾

南澗揚中丞有足
紹三蘇之說因以

大峰况
家君云

日寄冠山夏地卿書有春草石闕之句偶足成之
爲說當年淮浦月一番照席一開顏晴江坐酒聯春草
雪夜敲詩扣石闕媿我遠從滄水別多君早向白雲還
遥遥峽口煩舟楫鶴夢猿聲不可攀

灑灑堆

峽口箝風糾客艤驚看灑灑日衝撞當關虎豹書常吼
出水芙蓉秋可隼劔閣西連雄萬里瞿塘東下失三江
巴山蜀道真全勝砥柱龍門未易降

祀黃陵廟

聞說黃牛峽水惡我來斜日下輕橈瓣香小泊占神貺
萬里孤臣達 聖朝秋老江枯灘骨出山空風淨漲痕
消即看隱約和雲物白馬青袍不可招

青陽山

十里青山青入畫松聲月色可能描商弦入手繁清籟
皓彩當歌徹紫霄獨崔西飛風颯颯三星東下路迢迢

江鄉夢急瞻親舍天關心懸謁帝朝

過宣城遭月崑王道長朝用話舊

十年驄馬湖西路踏遍蘇公堤上橋孤嶼香迷葛嶺雪
萬松影落浙江潮尋春喜共芒屨遠對酒相看塵夢消
此日雙鳧天外見月崑猶自問吹簫

夜發

夜發官程急使車星光林影散棲鴉白雲千里情偏切
紅日九天心轉賒疲馬蹄輕踏往路小橋水落遲流沙
平明步入符離集疊蓋重檐沾雨花

賀陸玉洲監察守撫州

即看持斧振三川忽報除書下九天 聖主有懷西牧
重老臣暫寄北門便弦歌此去魚龍會禾黍應憐鴻鴈
篇仰見君公秋月滿冰壺千里一輪懸

漢陽遭軋菴馬蘄州論時事和馮三石韻

十年夜月淮濱別萬里春星漢水逢爭道白眉心已鐵
誰知乳口腹生鋒無入波浪魚蝦戰極浦舟航猿鳥從
笑語不終成市虎風塵何復困人龍

遊白鶴觀中溪題石且云得玄理故及之

白鶴僊人跨鶴來青蓮百丈青天開寰中玄竅眇如許
洞裏丹砂日幾迴鼎竈何緣君獨解風塵那復客須猜

好當結社三峰下笑拾金光入酒杯

昭慶禪房與平川陸子話舊因簡五石侍御用韻
海南荔子日邊來湖上蘭若雨後開霄漢十年心共往
風波滿地咲應猜青藜天祿淹劉向白壁蒼江惜漢才
珍重臺章催上道遲回法駕且啣杯

巳亥歲除書懷

十年除夜親邊夢此夜家園夢底親不分桃符勤送臘
翻憎爆竹巧迴春香花法供靈筵在金紫堂開涕淚新
強插一枝梅未放東風着意泥愁人

庚子元日與弘齋兄對酒

宦遊何地隔風塵南北朝元十二春紅日九天那對眼
白雲千里未歸人即看冰雪沾蓬鬢誤落煙花失路津
此日勸酬兄共弟菜盤椒盞任吾真

人日挈諸子泛湖

春入春湖新水生人逢人日舊山明雲霞初散林巒彩
風日旋添魚鳥情醉折官梅思遠道咲携驥子動長庚
輕拈彩燕尊前落絕勝金花節後行

穀日喜晴

去年晚稻秋不實由來穀日天冥冥而今鳥雀階頭喜
爲卜田疇春後青村村農務底須急兀兀窮愁何處醒

身居詩集卷之六
放歌天地一騁望取醉湖山隻玉瓶

初春入天竺山過葛嶺拜先君墓所

曉發雲霞開遠霽肩輿尊酒作山遊新鶯未解枝頭語
高柳能顰春外愁隨意西來參佛國何妨東去問丹丘
村村昨夜風和雨咽咽前溪不斷流

壽弘齋長兄五十詩二首

二月十四春正中煖雲晴日近簾櫳僊桃子熟濃薰酒
宦海波寬輕轉蓬安石已深天下望小坡曾得長公風
園亭燕喜千祥集一曲斯于笑語同

三歲從兄同講讀而今半百各翻飛鴈行舊序先應翥

荆樹新芳晚更肥花下一尊開壽筭日邊千祝報恩輝
好迴北斗臨天仗坐對南山看少微

雨中湖堤看花

寒颼掠雨勝不減獨客來尋湖上春萬朵野桃紅着岸
幾叢短柳綠依人雲迷僧舍鳴鐘遠水隔遊船喚酒頻
明日天晴今且醉懶鶯困蝶莫深嗔

柳亭賞牡丹和弘兄韻

紅芳獨抱春心老綠醕旋添夜色妍自信國花來絕代
漫憑池草得新聯香窺蜂蝶偏多恨笑隔雲沙亦可僊
勝賞百年拚共醉繁華那更勝今年

身居言集卷之六
南江馮子仁歸自嶺左飲于湖追憶往事愴然興
懷爰次午坡江干順韻二首

臺臣草疏拂龍顏
戍客揮戈向虎關
汨沒湘纍心獨苦
播遷粵徼骨應還
西湖啼鳥番多興
南菊開尊且故山
佩玉即看准闕下
賜環端出五雲間

十載思君未解顏
安危君與世相關
朔風鴈斷孤雲沒
炎海春回白鳥還
天地此身輕若寄
君親大義屹于
山當歌不厭尊前酒
人在六橋楊柳間

賀九山喻崇德被薦因憶金堂令希義感懷

蜀郡多君猶子歎
吳門今復對君歡
關河月色臨仙珮
朝野風聲待法冠
此日薦雄應不忝
他年借寇好同看
揀荒見說憂民隱
飛鳥鳴琴且自寬

悅齋阮秀水復初報最北上

出牧三年煩兩地
勤民百里足千家
東南財賦誅求盡
西北軍儲輸挽賒
闕下題封心轉劇
日邊雨露寵方
加彈冠要路行春令
簪筆明光收晚衙

五月五日夜夢高堂覺而哭奠几前有感

午日正陽剛得令
春輝子夜獨關心
雲撩怨鶴傳清唳
風墮啼鶻失好音
角黍有絲纏自苦
蒲觴和淚滴難禁
可憐艾葉交庭戶
不傍萱花椿樹林

按察任玉臺胡慎齋盧抑齋鄒和峰劉一品張蒙
溪諸公奠先君于墓所苦雨後晴感而賦此

天河夜注占心急曉斷扶桑望眼遙忽亞林臯開日輦
漫虛斗夕下仙輶寵光草木孤墳在羞澁風塵雙淚饒
東帛瓣香荷知與一尊雲路共招邀

九日同六橋冷尚寶登湧金城樓得高字

檻外長風掠布袍風前短髮任刀騷十年把翫他鄉菊
此日追陪同里豪城郭曉臨雙闕迥江湖秋見萬峰高
閑心不負陶彭澤剩有壺觴可濁醪

輓邵滄洲

滄洲宗老老醫盧頭白談玄氣尚麓忽謝塵煩歸大化
好收花鳥入方壺招邀玉遂風前雀寥落丹砂海上爐
何處夢魂秋萬里一天涼月照清都

和弘齋兄春日齋居韻

春風長日遲山齋鳥語花明足快哉身世百年餘俯仰
乾坤兩眼且掀脰修篁也自搏風槩瘦石何妨蝕蘚莓
不道飛仙還有藥放歌天外更徘徊

庚子至日書懷

仲冬望日剛長至雪片霜花短髮催地底喜回鄒子律
天涯愁絕杜陵詩不煩雲物占消長爲有梅魂入夢思

何處春風千萬里乘龍躍馬任吾之

雨中過訪西崑劉子未昌用弘兄韻二首

東風刷雨漫撩人岍態林香着眼新
裊發花潭論舊與尊開草閣道吾真
千金不博屠龍技三刑誰憐獻玉臣
珍重端闈太平老擁貂常抱萬年春

湖暝雨過怯行人坐晚雲停咲口新
瀚海此身元是幻風波滿地認難真
靈修不作浮湘客羽翼終歸輔漢臣
愁絕四山煙水合柳枝桃葉暗藏春

坐巾子峰上對酒

巾子峰高天氣清烏紗白幘笑相迎
雲迷塔影日初下水抱蟾光秋轉明
海上三山堪對酒風前九日漫傳統
主人興發客不去忽聽歌童開鳳笙

春莫王葛墩南軒賞牡丹

水部園亭春較遲萬花落盡見芳姿
丹心更借東風力粧面先傳玉樹詞
百寶千金元自愛蜂香蝶箔莫教知
敲回檀板紅綃下一曲詞終酒一卮

名花三月正芳妍花下開筵特地偏
不有紅香薰几案肯教綠酒共留連
輞川畫裏人常主常曲溪頭春可憐
好辦青錢醕盛賞暖煙晴吹上新牋

和僧賓山韻簡豐村監察于瑪瑙寺

昔四月十四
立夏日也

三峽行驄天外別孤山駕鶴雨中携清尊竹葉心同賞
流水桃花路轉迷緣結袈裟修淨土詩先佛子示招提
東風昨夜驚回首萬里春情信馬蹄

北高峰小憇白雲堂折梅限韻

白雲小結山堂淨碧障全低石磴開百折且窺初倦鳥
一枝先啖未酸梅煙霞縹緲中天出湖海分明入畫來
爲問浮屠經幾劫何年寶梵殷風雷

下山過韜光菴和韻

高峰絕磴雙旌發上刹回谿一逕過學士題封碑刻在
老師遺偈道心多金蓮引水開雲石翠壁含風雜珮珂

落日分杯共蘭若閒心半榻意如何

豐邨放舟鴛鴦湖惜別有感

長夏東湖不繫船偶陪霜駕集冰筵清風一道人同遠
明月九天心共懸錦瑟朱弦謦吹發青蒲白鷺水雲連
使君行誼高今古玉樹應花晚更妍

野石邊別駕張筵于虎丘紹靖書臺餞豐邨有感

崇臺豐宇何年構夏日偏宜芳樹林無柰故人天外別
不禁地主杯中深闔閭立國幾興廢傀儡當場誰古今
坐酒閒情復長嘅可如野水輕鷗心

壽屈素尤翁七十兼簡西村京兆三章

八月廿八天氣清居素老人茲降生煙霞初結白蓮社
風露旋尋黃菊盟北斗尊移三島近西村袖舞千花明
遲予獻壽者誰子青鳥蟠桃來漢京
青瑣冰含金雀袍百年恩寵五雲高聲華早擅橋門彥
勛業何煩塵海勞天上龍章疇寸草秋來雀馭醉仙桃
老人自得長生訣那用靈椿祝彩毫
九龍山下洞虛宮路入蒼茫紫翠通清夢已拚塵海隔
幽屈真與素心同隨緣羽客餐朝露結社玄壇棲晚風
知是玉霄僊錄在好憑仙步問無終

野石移尊小武當覽勝

玄壇何地逼禪臺路轉松杉閣道開野石尊巒群鳥雀
衡山詩句伴莓苔虎丘金碧傳新勝龍殿香煙徹上台
更酌河梁縱乘興溪雲山雨洗天來

和壁上衡山文待召韻

剗却蒼杉合翠微九霄宮闕四山圍不緣野性耽雲石
曾得玄談學羽衣檻外流泉初雨過天涯芳草壯心違
勝遊剩借南薰便落日扁舟塵夢稀

惠山下舟中言別

昨馳蜀道承臺薦今傍吳門別使旌夏日仙舟閒對酒
春明京國漫啼鶯激揚不負才賢地遷轉應先舘閣聲

此去匡時有良策北風何惜鴈來情

喜雨三章為竹吾張常州賦

仁賢太守心民隱赤日黃塵儔雨來鶴駕未還驚掣電
龍潭先喜動輕雷九天煙霧排山海絕壑風濤遍草萊
知是湖南百萬戶窮愁一夜笑聲回

皇家財賦東南寄寇虜頻仍不可支曾似明公憂底急
一番甘雨得來奇豐年可卜三農望何暮應酬五袴思
為憶西川舊時事高江萬里忽垂垂

奔雷急雨夜不止曉起炎蒸朔海雲颺曳忽遮隻闕迥
滂沱真訝九龍分高齋散帙爐煙細燕寢凝香花氣薰

蘇老當年胡不有桔槔聲裏更思君

七夕初度志感

五十年開七夕尊白頭猶復記兒孫經秋慣見河陰彩
入夜偏憐膝下恩瓜果當筵深涕淚風波滿眼孰評論
我生此日翻多拙恠底憐家乞巧喧

人生百歲歡有幾我今半百番悲嘆為郎那厭水曹冷
出牧偏經蜀道難十載天涯任竿瑟一回江上翻波瀾
夜深露立問靈鵲河漢何緣飛羽翰

八月十八觀潮

十年江上潮聲遠今日潮生勢轉高風雨晴翻珠闕迥

身居詩集卷之九
雷霆書引玉龍號驚魂萬里回塵夢壯觀三秋落彩毫
曾得此身付鷗鳥浮沉元不怯波濤

輓鄭一峰母次吳青丘韻

秋風一夜商歌發短蘧殘砧急晚煙孤鴈憶群憐故壘
啼鳥思哺泣離筵百年結志疇冰雪九我盟心在簡編
蘭桂生香知有日清霄雨露下重泉

吊漸山太史偶遭春山憲副爰從修謁感賦二首

海上有人能避地山中無計可尋真比從吊客經過遠
忽報舟航笑語新緝縮柳條青入座杯分竹葉綠浮春
十年塵土風流在爛醉清歌不厭頻

貞白堂開東海頭小山踈竹晝常幽階前野雀不解語
屏上美人還自羞匍令好從歌吹發詩脾端向酒腸搜
也知白也真無敵日莫推評消客愁

元峰海樓二李
子賡唱故云

石門夜發

閒心謝却風塵道晏歲誰牽冰雪槎笑入雲華杯數舉
橈迴樵李鼓頻搗星河影落三更月燈火芒寒五夜花
不是山陰歸興發孤琴獨鶴去還賒

除夕折梅

七日東風臘未殘梅花先破隴頭寒一枝曉向銀鉸折
萬里春從玉樹看可是孤根青結子謾教踈影綠依闌

浮生着處成真果世味嘗來底舊酸

癸卯元旦頌椒

回首春風半百過今朝春更笑顏醜清尊柏葉椒花共
近曙黃雲紫氣多新歲分明占景象此生那得老山阿
舊來懊恨俱消歇試看床頭隻珮珂

尋春

正月六日天氣新上客來尋湖上春沙鷗水鳥白無數
桃葉柳條青未勻西遊竺國悅禪語東去定光參佛身
風前涼月傍歸路醉後狂歌愁向人

簡畲楊丹泉下祝長年詩

元宵喜接故人書月下畚歎近索居更有瑤篇來遠道
炯然珠斗照吾廬湖南合共煙霞老湘水真憐滄淚虛
回首春風天外客鴻毛此日意何如

慕菴爲鄉人宋蕃賦

春風吹不到山堂夜月菴疑照屋梁白骨可憐埋宿草
此身那得產空桑百年滄淚嗟何及回首聲容恨渺茫
我亦思親共懷抱玉泉泉下水湯湯

秋江別意餞盧抑齋方伯

湖頭惜別醉樓船江上清秋思黯然去影况隨鴻鴈候
分枝仍向菊花天雲霄萬里中台迥淮海千年正氣懸

關塞即看新節制指揮定許淨風煙

海山遙祝壽龍洲李侍御封翁七十

北海尊開千日酒南山壽獻萬年卮
郢中花鳥酣春事浙上風煙入夜思
上寵已嘶丹鳳勅新波還下玉龍池
相知此共瞻心遠一曲靈椿賦所私

除夕新居

朔吹寒煙此夜除滿天星彩照吾廬
鴛鴦出水憐新渚鴻鴈撩雲索舊居
筋下喜傳生菜細折來恠底野梅踈
百年歲序頻流轉明日春風任卷舒

甲辰元旦

半百年過髮未踈東風吹煥草堂虛
中天日月開寅正大地陽和啓泰初
柏葉且傾千日酒椒花還獻萬年書
春心合共南山老北極常瞻帝者居

六日過法相寺即景

風煙匝地湖南路火砲連天亂鼓聲
曉日開山千嶂合初春禮佛萬緣齊
行間棣萼晴相照醉裏雲霞望不迷
藉草更憐紛作隊傳花偏惜共招携

七日泛湖拜武穆祠感懷

人日開尊西子湖風禽水鳥漫相呼
眼前得句興偏遠醉裏看雲山更紆
武穆千秋遺寢在精忠四壁壯心孤

吹竽鼓瑟何爲者明月扁舟滄浪俱

元宵紀異

五夜燈闌盡兩還朝來晴日更開顏九衢故澆紅塵
萬里回看寶月開火樹玉龍驚自翥風簷珠果落誰攀
占年已得豐亨象樂事那從病眼慳

十八夜觀燈

元宵說有張燈禁底事今宵尚有燈節后香車人不斷
更闌醪酒興還乘九天涼月且姝麗一曲繁絃那沸騰
歸騎却憐遊冶客落梅腔冷謾無憑

訪東匯呂選部和簡

君才鵬擊日圖南老我蝸涎祗自酣吏部文章說韓愈
成都歌頌媿張堪明珠入夜拚同擲白壁誰憐咲且函
匯水盈盈傍湖曲好開松菊徑三三

寄昆池乘判府刺德州

池鑿昆明漢代功至今秦產最豪雄龍光斗分占神物
鶴馭湖陂見古風少府舊心民隱切大夫新沐 聖恩
隆春回北地陽和動憑仗南枝寄遠鴻

過新豐訪豐村憲長對酒用來韻

豐溪雨過澹雲容一棹三更咲語從勅水蛟魚應徙倚
依人燕雀任遭逢聞情且醉風前酒勁節還叅雪後松

爲說豐翁有仙骨好調丹鶴飯蒼龍

平湖過張經匯入淞泖謁儼山翁不得歸途感懷
東湖夜發山陰棹海上思瞻長者居已失前溪迷去住
更憐盡日費躊躇長帆可作迴風翼惡吏偏供入饌魚
只尺雲華不得度晚煙涼月下郊墟

雙輓錢海石掌科父母兼輓內人

夕郎孝義重詞林底事三喪痛不禁鍾釜可期千日養
琴簪端繫百年心丹成鶴夢雲天遠鏡破鸞悲海月深
獨有玉龍池上龍泉堂輝燁共追尋

登大寧塔觀海東日出

浮圖海上出清霄午夜扶乘散錦標黃道有天開日月
白雲無際見波濤銀山萬折潮初上玉宇三更鶴可招
絕頂高寒欲飛去巡簷燕雀共飄飄

簡贈魏長松海鹽令

十年藻思魁巴蜀六載萍蹤滯海邦循吏有情憐舊雨
故人無計換新腔湖南早擬高賢並江夏誰誇國士雙
此日漫遊出城郭暖煙清吹度星旌

觀海

東海千年滙百川南颺五月蕩遙天陽侯入馭蛟龍出
秦駐當關虎豹眠今古大觀閒島嶼乾坤變態失秦田

身居詩集卷之十
聖明有道歌清晏萬里無塵莎草連

題兩溪號兼約新豐之游

烏溪一曲游青溪君住春風溪水西
雨過波分渾燕尾萍逢蓬轉總鴻泥
劫來尊酒花前醉別去舟航柳外迷
何日新豐尋舊約蒹葭秋渚漫招携

飲王雨舟山子題岷川畫

絕壁千峰削不成懸泉一道照還明
蒼松帶月盤龍出翠篠含風襍鳳鳴
流水琴心彈自遠白雲堦面坐來生
主人漫興香初供客子閒情歌轉清

巢居紀異二首

紫燕雙飛遶畫堂堂前勝裏去來忙
泥融社雨金花重繫引南薰玉剪涼
會見將雛生羽翼更憐傍主近壺觴
一年一度傳新語萬里春情說正長

茅堂寶勝戶高懸燕子來巢真可憐
夢轉湘簾春未捲祥開畫戟兆應先
日南仙履迴風駛樞下瑤光散斗躔
謾說風流晉王謝烏衣相認主人便

天然圖畫閣訪嵩陽白令尹和衡山文待照韻

西湖何處更舟丘况復槎迴星海頭
別去幾憐春草綠相逢一咲曙煙浮
山林興遠紅塵夢枕簟涼生碧樹秋
此日追尋圖畫裏多君還卧最高樓

身居詩集卷之九
晴軒曹太守兩湖話舊用雒山那太史韻二首

南北峰高嵐氣浮西湖煙雨舊神州空濛漫指黃金闕
縹緲虛疑白玉樓淮海十年驚別夢武夷何日問仙遊
相逢且醉尊前酒莫付閒愁江水頭

秋風蘋蓼滿江濱夜雨湖臯多水雲鷗鷺沙頭常比翼
鳳皇天外不離群黃花媿我招新隱丹桂知君發早芬

賢即在座
敢及之

五馬一尊成繾綣九霄萬里寄殷勤

重登大寧塔

長夏登看海上山初冬晴日更躋攀九天不改風雲氣
萬里真當虎豹關遠興幾從臨絕頂閒心早已出塵寰

洪厓指顧無多路笑拾金光去復還

題海月堂簡長松魏海塩

舊寺新懸海月堂白雲深護錦雲裝洪濤萬頃秋生漲
皓彩三更夜有光何日皈依登覺嶼朅來普照說慈航
爲憐地主心如海喜見中庭月一方

詩輓邵吉甫母孺人

燕山棠樹肇家聲南國分枝洵有情一夕萱花開並落
百年烏鳥恨難平龍光雲冷鸞先翥鳳勅塵埋鶴自驚
爲說宗門遺範在相夫教子慰平生

壽余古田七十

官趁簿領辭南服祿報春輝尚北堂
刁筆早從王事便斑斕翻訝舞衣長
幾多人得古稀壽七十年來鬢未霜
更喜階前雙鷺鳥雲霄指日見飛翔

李少溪幕貴陽因簡南川西賓

泮河江上晚煙明有客乘春一棹輕
楊柳東風初軟軟芙蓉渌水自盈盈
朝趨幕府心猶壯夕贊藩垣思轉縈
銅柱高標天萬里好憑魚鴈慰而兄

乙巳新正弘兄開燕吳山少長畢集有懷二首

正元五日登高會棣萼相將作勝遊
七寶峰頭春日薄三茅亭子晚煙浮
惠連興遠琴尊共康樂情深山水留

回首白雲棲野鶴修然骨髮伴林丘

曉日吳山多秀色九天開霽快登遊
海門潮落坐甲見湖曲月明杯面浮
堤柳風煙仍裊娜林鶯冰雪尚淹留
兒童爲探春消息折得梅花經遠丘

迎春和王霽山韻

東風簫鼓迎春至元夕開燈臘未歸
火騎掣雲銀漢沒泥牛行地玉塵飛
花間好鳥聲千種柳外紅粧翠一圍
晚過天街仍月色不妨歌笑聞芬菲

元夕飲蓉峰宅和韻因簡霽山

當年燈火春三五今夕元宵昨夜春
萬里東風吹綺席

簾疎雨浥芳塵葭草向暖歡誰並桃李含情意未申
兒息尚在室故云醉聽隔隣猶鼓砲香車亦自過來頻

賀柳亭葉中翰進廷評和程齋老師韻

塵海論心二十年翻飛今喜快登仙春回楊柳風前別
臘去松筠雪後堅棘寺新銜多雨露蘭臺舊選切雲天
纒車萬里來耆碩玉管瑤篇洵有緣

東山蕭閩帥對酒和乜仙韻

將軍勒馬投簪早爲愛東山興味同曉日峰巒青入座
春晴草樹翠含風劫來肯共紅塵老曲盡那教玉琰空
報道回仙多錦思笙懂鶴駕月明中

送南泉楊道夫北上簡水竹居新主朱南川曹長

東風吹暖颺晴沙北部分枝柳未花老我十年淹水部
多君千里上星槎子雲詞賦應難並伯起才名近可誇
此去清淮尋舊約池亭尊酒照筠華

餞別許茗山夔府

湖南惜別牽絲柳花外分杯醉錦桃勝入瞿唐雄劔戟
笑看灑灑狎風濤杜陵老去君誰共巫峽春來思轉騷
媿我十年先蜀道艱難無計傍詩豪

飲別龍池王中翰再簡豐村湖山之約

池亭風日延芳駕折盡荼蘼滿樹花座上春情傳茗碗

燈前夜語盼京華揮毫此去龍光別腕句年來雀夢餘
矯首尊公消息近湖山坐酒一停車

餞別午山陳憲副兼簡澹泉鄭和州同年

藝苑管從登薦後水亭今喜話生平故人金紫風前別
憲節冰霜天外清洛上花深春未老湖南日暖柳先繁
百年尊酒論知己萬里波濤心轉驚

明山連憲副進

萬壽表北上和燕山贈韻五首

燕山松檜鎖長煙十載湖山憶遠天柏府翛然來法駕
茆堂率爾試賓筵開尊笑醉風前酒擊楫歌迴月下舷
底事閔河分羽翼瑤行錦字下江邊

報到臺臣朝帝闕忽驚雲外節旄飛駟車江郭衝朝
雨回首山堂掩夕暉易水珠璣元自別秋風鴻雁未應
稀從占舊誼開新帙玉管緝函信手揮

聖皇萬壽超今古百代勛華秩太常雲近南山來嶽牧
天開北道見虞唐仙槎迢遞星河影上寵分明雨露香
此去詞垣應有待知君千里更回翔

萍踪浪跡自沉浮萬感無端隱百憂老却花潭閒五馬
多君金鏡獻千秋風高閭闔瞻宸極霞發崑崙醉羽
丘只尺龍光真眷切鳳池簡注邁時流

春去園林花徑幽偶登花外盼春樓一簾烟雨紅香晚

萬斛風濤碧樹秋坐對清尊拚盡醉何當遠別動離愁
閒情若箇如魚鳥地北天南好共游

題竹山

鳳皇山上多修竹夜月春雲見羽翰獨抱閒心甘自老
肯將苦節向人歎百年且醉風林晚一曲長歌煙水寒
欲托瑤琴寫幽况相逢何日爲君彈

壽南屏張道長母孺人八十孫坦葉子書致建業
端陽獻壽蒲觴暖白下娛親豸錦明鸞鳳新啣呈上寵
冰霜歷盡見長庚蟠桃青鳥人爭羨一日三公誰與并
更喜乘龍有仙客槎回星海寄吾情

壽崔岑車侍御父良齋封翁七十簡畲江門姚子
江門野客占心遠傳致羅浮豸史情千里北移仙仗急
百年南望壽星明 龍章忽下臨初度鶴算旋應共大
彭何事嶺頭梅早發長春元駐白雲城

詩輓沈孺人兼慰珠泉方竹賢橋梓

錦瑟當歌曲未終朱弦中斷思何窮即愁別鶴生新感
况復啼鳥怨落紅方竹影寒憐夜月珠泉淚滴下秋風
梧捲砧杵傷心共何處招魂湖水東

丙午元日和楊月山叅戎紀顧龍川闔帥佳夢

龍川變幻不可測元日夢飛龍上天桃花三月出高浪

身居詩集卷之九
楊葉百步成真傳伏波英畧豈今古銅柱氣槩餘風煙
虎符談笑君在肘燕頤封拜誰爲先

春正三日江上看潮志喜

初春出郭迎新候忽見潮生海上來萬頃寒光千丈雪
九天佳氣一聲雷肯因逆瀨隨瀾倒好趁長風破浪回
漫爾中秋傳盛事會如此度更喧豗

和張宗伯王谿甘司空几山柳亭韻二首

染翰明光新制草瞻心楊柳舊山亭飛揚不作風前絮
去住真憐江上萍驛路傳情春可折官橋橫遂夜堪聽
多君愛客繁文藻媿我裁詩藉寵靈

几翁谿老詩之傑館閣聯編賦柳亭筆落官商傳錦瑟
風生劔戟動青萍尊前倚馬才爭羨月下步步虛聲可聽
千里束書來北道脩然江上見湘靈

送蓉峰中舍親丈之京

與君携手上扁舟不是乘春作伴遊千里風波心獨苦
九天雨露望應酬杜陵耽句真成癖阮籍臨岐豈解愁
珍重此行急回首湖南花鳥爲君留

席上題春泉兼簡斯明賢契

昨夜溪頭春雨過朝來江上長新波挑花入浪灘聲遠
芳草和煙野興多極目風塵飛不到忘情魚鳥謂誰何

秦靈童有蛟龍種一躍何年發太阿

登毘陵天寧寺塵外樓和白顛菴公韻

塵外閒心一倚樓短歌長笛共扳留
千桃逼戶漢宮曉萬竹軋風湘水秋
謾說仲宣當日賦番憐司馬少年遊
空門剩有高人詠流翰何妨樓上頭

過洛原白封部北庄水心樓話舊用前韻

天外紅塵不上樓風前野客最堪留
青山坐酒能銷夜白髮當歌可柰秋
此日煙霞思共攬當年舟楫憶同遊
危帆濁浪驚心過鶴步鷗眠新水頭

再用壁間韻奉簡

斜日高眠未攬衣溪頭閒却釣魚磯
百年可共江湖老十載何妨音信稀
苦竹影寒依短砌碧桃香暖傍幽扉
東風回首蘇堤曲好鳥花間喚客歸

塵遠堂前櫻桃千樹盛開門外二銀杏礫珂奇古

約有飛翥之狀是占天寧初建多年各賦一首

毘陵郭外春藏寺塵遠堂前花近簷
一片錦雲晴不斷滿天香霧晝還添
風來笑眼全窺鳥雨過啼粧半倚簾
何日驪珠三萬顆湖南野客試先拈

禪閑一榻依雙樹古木千年斷六根
鐵榦植牙心未老霜皮剝落葉猶繁
蛟龍此去乘春變風雨長來白晝昏

且作靈槎泛星海好陪博望問河源

塵遠堂和壁間唐荆川韻

怕河覺岫苦難登遠却塵紛亦聖僧心上風波能解脫
眼前紅紫任薰蒸真機早向空門得劫火無從方外騰
聞說荆川有禪學因詩見道果誰能

吳葦村陳螺江後武山館簡謝

春日來看桃杏園
醉去還移北海尊
風味滿前朝酒蟹江鮮一自重河豚
鄉棕治詎疇能答回首湖南勞夢魂

飲怡溪劉邑博齋中話舊

丁酉科備卷為一
星兄從弟故云

彈棹菱溪揖故人春風堂上轉情親十年知己瞻心切
萬里通家入夢頻笑對李桃曾着眼醉憐花鳥若為隣
何時攬轡湖西路白日青天好具陳

鴈山陳子琦溫州樂清人謹重且精翰墨故云

十年前作鴈山遊今日逢君興轉幽天柱端疑蒼玉立
龍湫飛灑錦雲流乾坤灑氣鐘應在河漢仙源近可求
早晚乘風向丹壑青春花鳥為誰留

壽虹川端大名母七十

昨夜西池醉玉京今宵南極報長生蟠桃自結人間實
青鳥空傳天外聲采石祥煙迷遠道陽平芳樹鬱春城

起居我欲千年初以禦常宣萬古情

席上有感

雨過山椒江岸開恍疑身世醉蓬萊蛟龍出水驚還沒
車馬衝泥去復來賸有好風吟遠樹不妨涼月度高臺
亭陰坐見雲霄翮誰說當年鶴未回

